


春秋列國爵姓及存滅表敘

余既輯春秋疆域自成周以迄齊楚秦晉凡十一國而當日之形勢如鱗次櫛比犬牙相錯凡行軍用師出入往來之迂直遠近及築城戍守之輕重疎密莫不瞭然具見繼爲原其封爵之所由及其姓氏與小國之入于某國爲某邑而春秋之列侯始而星羅棊布繼而疆兼弱削究其源流指掌可數作而歎曰封建之裂爲郡縣蓋不自秦始皇也自莊公之世而楚文王已縣申息封畛于汝逮後而晉有四十縣哀二年趙鞅爲鑲之師誓曰克敵者上大夫受縣下大夫受郡終春秋之世而國之滅爲縣邑者強半天下而諸國卒以強盛則當日之勢較之周初已稍異矣雖盛王復起不得不變其制也且入春秋以來周室得

以綿延數百年者賴齊與晉耳而齊晉之兼國爲不少也假令齊晉謹守侯度猶然臨淄太原百里之封而周天子能統虜號譚遂諸國以鞭笞荆楚披攘戎狄乎不能也其不能者何也其勢散且有土之諸侯未必皆賢即使因其不賢而易置之而其政令不能盡出于王朝其民之視聽不能盡屬于天子故常散而不能聚弱而不能強其易而縣邑也則不然度才而使之程能而任之朝不道則夕斥之矣夕不道則朝罷之矣晉文難守原之大夫而得趙衰鄭子皮欲使尹何爲邑而子產曰少未知可否其操縱由一已其呼吸若一氣其簡練教訓如親父兄之于子弟也故能抗方張之敵而成翼戴之勢嗚呼世變之所趨如天地之化陰陽積而成寒暑豈一朝一夕之故哉雖聖人復

起無如之何也西漢之興侯國與郡縣參半未幾而反者四起其存者皆淫侈不軌逮國除爲郡而黎民又安垂數百年漢之國除爲郡而地入于天子春秋之國滅爲邑而地歸于強侯漢以淫侈不軌而除春秋以弱小不能自立而滅其事不同而世變之所趨則一也天下之勢合則治而分則亂自三代以來莫之有易矣輯春秋列國爵姓及存滅表第五




皇清經解續編卷七十四

南菁書院

春秋大事表五列國爵姓及存滅

無錫顧棟高復初著



國	魯	蔡	曹	衛
爵	侯	侯	伯	侯
姓	姬	姬	姬	姬
始封	周公子伯禽	文王子叔度	文王子叔振鐸	文王子康叔封
都	曲阜縣	國于蔡今河南汝寧府上蔡縣平侯遷新蔡今汝寧府新蔡縣明侯遷州來今江南鳳陽府壽州北三十里下蔡城是	國于陶邱今山東曹州府定陶縣	國于朝歌今河南衛輝府淇縣東北有朝歌城戴公十二年獲麟後二百七十
存滅	獲麟後二百三十二年頃公二十四年滅于楚宣公二十八年入春秋靈公十二年為楚所滅昭十二年平公復興昭十二年成公十年獲麟後二十四年蔡侯齊四年滅于楚		桓公三十五年入春秋曹伯陽十五年滅于宋禮○孟子時有曹交趙註云曹君之弟疑曹地既入于宋宋以封其大夫如齊封田文為薛公之類	桓公十三年入春秋出公十二年獲麟後二百七十

皇清經解續編

春秋大事表五

滕

侯後書姬

文王子叔繡

廬曹今衛輝府滑縣文公二年衛君角二十一年為遷楚邱今滑縣東六十里秦二世所滅廢衛南縣是成公遷帝邱今直隸大名府開州今山東兗州府滕縣西南入春秋七年始見經終春秋世猶存○世族譜春秋後六世齊滅之今案戰國策宋康王滅滕疑宋亦尋滅地入于齊故譜云然

晉

侯姬

武王子叔虞

國于大夏今山西太原府太原縣北有古唐城變父十一國號曰晉穆侯徙絳孝靜公二年為魏韓趙所滅侯改絳曰翼也曰故絳今山西平陽府翼城縣東南十五里有故翼城景公遷新田仍稱絳今平陽府曲沃縣西南二里有絳城舊都咸林今陝西同州府華州武公遷于漆洧今河南許州府新鄭縣莊公二十二年入春秋聲公二十年獲麟後一百六十年康公二十一年滅于韓

鄭

伯姬

厲王子友

國于梅里今江南常州府無錫縣東南三十里有太伯城諸樊南徙吳闔廬築大城都之今蘇州府治是國于蒍今直隸順天府大興縣是

吳

子按國葉伯爵姬

太王子太伯

北燕

伯史記姬

召公奭

國于燕今直隸順天府治

齊

侯姜

太公尚父

國于營邱今山東青州府臨淄縣

秦

伯嬴

伯益後非子

國于秦今陝西秦州清水縣莊公徙故西犬邱秦州西南百二十里西縣故城是寧公遷平陽在今陝西鳳翔府郿縣西四十六里德公遷雍今鳳翔府治是

楚

子公芊

顓頊後熊繹

國于丹陽在今湖廣宜昌府歸州東南七里武王遷到今荊州府城北十里紀南城是昭王遷都旋還郢

宋 公子 殷後微子啟

國于商邱今河南歸德府穆公七年入春秋景公三十五年獲麟後一百九十五年宋王偃四十四年滅于齊

杞 侯 或 姒

馬後東樓公

國于雍邱今河南開封府杞縣成公遷緣陵在今山東青州府昌樂縣東南五里文公遷濳于在今青州府安邱縣東北三十里其雍邱之地不知何年入于宋

書子○按正義木公爵

陳 侯 媯 舜後胡公

國于宛邱今河南陳州府治淮寧縣桓公二十三年入春秋哀公三十五年為楚所滅後五年惠公復興昭二年公二十一年獲麟後三年滅于楚史記先一年

薛 侯 任 黃帝後奚仲

今山東兗州府滕縣南四十里有薛城入春秋十一年始見經終春秋世猶存後不知為誰所滅或曰齊滅之

邾 子 曹 顓頊苗裔挾

今山東兗州府鄒縣文公遷釋今鄒縣東南二十六里有古邾城杜譜春秋後八世楚滅之

莒 子 己 茲輿期

舊都介根今山東萊州府膠州西南五里有許斤城春秋初徙于莒今山東沂州府莒州入春秋二年始見經莒子狂與元年獲麟後五十年滅于楚

小邾 子 曹 邾公子友

國于邾今山東兗州府滕縣東六里有邾城入春秋三十四年始見經春秋後六世楚滅之

許 男 姜 伯夷後文叔

今河南許州府治東三十里故許昌城是靈公遷于葉今河南南陽府葉縣悼公遷夷實城父今江南穎州府亳州東南七十里有城父城旋還葉又遷于析實白羽今南陽府內鄉縣許男斯遷容城或曰在葉時滅于楚

春秋大事表五

宿男風太皞後

祭伯姬周公子

申侯姜伯夷後

東虢姬文王弟虢仲

共伯姬今河南開封府汜水縣是春秋前為鄭所滅為制邑

紀侯姜今河南開封府汜水縣是春秋前為鄭所滅為制邑

夷妘今山東青州府壽光縣東隱元年見莊四年滅于齊

西虢姬文王弟虢叔舊都在今陝西鳳翔府寶隱元年見僖五年滅于晉

公姬雞縣東五十里後隨平王其小虢于莊七年為秦所

東遷更封于上陽今河南滅

庶留于故都者為小虢

向姜今江南鳳陽府懷遠縣東隱二年見

極附庸姬今山東兗州府魚臺縣西隱二年見

邢侯姬今直隸順德府治邢臺縣隱四年見僖二十五年滅

後遷夷儀今山東東昌府于衛

郕伯姬文王子叔武今山東兗州府汶上縣北隱五年見文十二年郕伯

來奔傳云郕人立君則郕

尚存也戰國時有城陽君

插地志云古郕國

南燕伯媯黃帝後今河南衛輝府東南三十隱五年見

凡伯姬周公子今河南衛輝府輝縣西南二十隱七年見

息侯姬今河南歸德府考城縣東隱十年見不知何年滅于

郕子姬文王子今山東曹州府城武縣東桓二年見為楚所滅為息邑

芮	魏	州	隨	穀	鄧	黃	巴	鄭	梁
伯姬	姜姬	公姜	侯姬	伯嬴	侯曼	嬴	子姬	子嬴	伯嬴
在今陝西同州府城南	在今陝西解州芮城縣東北七里有古魏城	國于清于在今山東青州府安邱縣東北三十里	今湖廣德安府隨州	今湖廣襄陽府穀城縣西北七里故穀城是	今河南南陽府鄧州	今河南光州西十二里有黃城	今四川重慶府治巴縣	今湖廣襄陽府城東北十二里有鄭城	今陝西同州府韓城縣南二十二里有少梁城
桓三年見僖二十年滅于秦竹書作二年今從史記	桓三年見閔元年為晉所滅以賜畢萬為邑	桓五年州公如曹傳云度其國危遂不復後地入于杞為杞都	桓六年見終春秋世猶存	桓七年見後地入于楚	桓七年見莊十六年滅于楚	桓八年見僖十二年滅于楚	桓九年見至戰國時滅于秦	桓九年見不知何年滅于楚	桓九年見僖十九年滅于秦以其地為少梁邑文十

荀	賈	虞	欒	貳	軫	鄭	絞	州	蓼
侯姬	伯嬴姬	公姬	嬴	嬴	嬴	子	子	子	子
在今山西絳州界	今陝西同州府蒲城縣西南十八里有賈城	國于夏墟今山西解州平陸縣東北四十五里有虞城	在今湖廣德安府應山縣境	在今湖廣德安府應城縣西	在今湖廣德安府陸縣即古鄭城	在今湖廣鄭陽府西北	今湖廣荊州府監利縣東三十里有州陵城	今河南南陽府唐縣南九十里湖陽故城是	今河南南陽府唐縣南九十里湖陽故城是
桓九年見後為晉所滅以賜大夫原氏黯是為荀叔	桓九年見不知何年滅于晉後以賜狐射姑為邑	桓十年見僖五年滅于晉	桓十一年見不知何年滅于楚下同						

春秋大事表

春秋大事表五

羅

熊

今湖廣襄陽府宜城縣西桓十二年見不知何年滅
二十里有羅川城又荊州于楚

賴

子

今河南光州商城縣南有桓十三年見昭四年滅于
楚公穀俱作滅厲蓋古厲
賴二字同音故有此誤

牟

附庸

今山東泰安府萊蕪縣東桓十五年見
二十里有牟城

葛

伯嬴

今河南歸德府寧陵縣北桓十五年見
十五里有葛城

於餘邱

未詳其地或曰在沂州境莊二年見

譚

子子

今山東濟南府治東南七莊十年見為齊所滅
十里有譚城

蕭

附庸子

蕭叔大心

今河南徐州府蕭縣西北莊十二年見宣十二年滅
于楚後仍入宋為邑

遂

嬀

今山東兗州府寧陽縣北莊十三年見為齊所滅
有遂鄉

滑

伯姬

國于費今河南河南府偃莊十六年見僖二十三年
師縣南二十里緱氏故城滅于秦旋入晉後又屬周

原

伯姬

文王子

今河南懷慶府濟源縣西莊十八年見僖二十五年
北十五里有原鄉

權

子

今湖廣安陸府當陽縣東莊十八年見不知何年滅
南有權城

郭

子

今山東東昌府東北有郭莊二十四年經書郭公胡
傳郭亡也

徐

子

嬴

今江南泗州北八十里有莊二十六年見昭三十年
滅于吳徐子奔楚楚滅城夷
以處之後仍為楚所滅

樊

侯

仲山甫

國于陽今河南懷慶府濟莊二十九年見僖二十五
源縣西南十五里有陽城

伯益後

古徐城

仲山甫

葛曰陽有樊仲之官守知
尚未絕封蓋遺于河南昭

郟	厲	英氏	項	密	任	須旬	顓臾	頓
子						子	附庸	子
姒	姜	偃		姬	風	風	風	姬
禹後	厲山氏後	皋陶後			太皞後	太皞後	太皞後	
今山東兗州府嶧縣東八十里有郟城	今湖廣德安府隨州北四十里有厲山山下有厲鄉	今江南六安州西有英氏城	今河南陳州府項城縣	今河南許州府密縣	今山東兗州府濟寧州是	今山東泰安府東平州是	今山東沂州府費縣西北八十里有顓臾城	今河南陳州府商水縣即故南頓城或曰頓國本在今縣北三十里頓子迫于陳而奔楚自頓南徙故曰
僖十四年見襄六年滅于莒昭四年地入于魯	僖十五年見	僖十七年見後滅于楚	僖十七年滅項後為楚地	僖十七年見	僖二十一年見至孟子時猶有任國	僖二十一年見為邾所滅二十二年公伐邾復其封後復滅于邾文七年魯再敗之卒為魯地	僖二十一年見	僖二十三年見定十四年滅于楚

管	毛	聃	雍	畢	鄆
姬	伯	姬	姬	姬	侯
文王子叔鮮	文王子叔鄭	文王子奉載	文王子	文王子	文王子
今河南開封府鄭州即故管城	未詳或曰在今河南府宜陽縣境	國于那處今湖廣安陸府荊門州東南有那口城	今河南懷慶府修武縣西有雍城	今陝西西安府咸陽縣北五里有畢原	今陝西西安府鄠縣東五里有鄆城
春秋前已絕封其地屬檜檜滅屬鄭宣十三年傳晉師救鄭楚子次于管以待之是也戰國時屬韓○以下十三國俱僖二十四年見	昭二十六年毛伯奔楚	不知何年滅于楚莊十八年傳遷權于那處則聃之滅又在權前矣	春秋前不知為誰所滅畢萬其後也	鄭本商崇侯虎地文王滅崇作豐邑武王封其弟為鄭侯竹書成王十九年黜鄭侯自是絕封後其地復	

為崇國

郇

侯

姬

文王子

今山西蒲州府臨晉縣東北十五里有古郇城

不知何年滅于晉地名考略隱十一年傳王取郇劉焉郇之田于鄭即武王子所封據此則春秋初郇已并于鄭矣然註疏無明文當別是一邑郇國不知為誰所滅高氏誤不知何年絕封地入周後入秦史記報王四十五年客謂周最以應為秦太后養地是也

邾

侯

姬

武王子

今河南懷慶府城西北三十里有邾臺村

應

侯

姬

武王子

今河南汝州魯山縣東三十里有應城

韓

侯

姬

武王子

今陝西同州府韓城縣南十八里有古韓城

春秋前為晉所滅後以封大夫韓萬為邑

蔣

侯

姬

周公子

今河南光州固始縣西北七十里期思城是

不知何年滅于楚為期思邑

茅

侯

姬

周公子

今山東兗州府金鄉縣西北有茅鄉

後為邾邑哀七年傳茅成子以茅叛是也

胙

侯

姬

周公子

在今河南衛輝府廢胙城縣西南

不知何年滅于楚為期思邑

郟

侯

姬

周王子

國于商密今河南南陽府偃二十五年見文五年秦內鄉縣西南百二十里丹水故城是後遷於郟今湖廣襄陽府宜城縣東南九十里有郟縣故城

夔

侯

子

熊摯

今湖廣宜昌府歸州東二僖二十六年見為楚所滅

檜

侯

子

祝融後

今河南許州府密縣東北三十里有古檜城

沈

侯

姬

泉陶後

今河南汝寧府東南有平輿城其北有沈亭

六

侯

偃

泉陶後

今河南汝寧府東南有平輿城其北有沈亭

偃

侯

偃

泉陶後

今河南汝寧府東南有平輿城其北有沈亭

蓼

侯

偃

泉陶後

今河南汝寧府東南有平輿城其北有沈亭

偃

侯

偃

泉陶後

今河南汝寧府東南有平輿城其北有沈亭

麋

侯

子

文六年見

國于錫穴今陝西興安州白河縣是

巢

侯

子

文十二年見昭二十四年滅于吳

今江南廬州府巢縣東北五里有居巢城

伯

見喬

文十二年見昭二十四年滅于吳

今江南廬州府巢縣東北五里有居巢城

皇清經解續編

春秋大事表五

九

見下註

文十二年見

宗子

舒蓼 優 皋陶後

今江南廬州府舒城縣為古舒城廬江縣東百二十里有古龍舒城舒蓼舒庸舒鳩及宗四國約略在此兩城界

文十四年見宣八年滅于楚

庸

鄒

子已 少昊後

今湖廣鄖陽府竹山縣東四十里有王庸故城見前鄧國註蓋秦之與國宣元年見復居鄧而襲崇之舊號者今山東沂州府郯城縣西南百里有古郯城

宣四年見終春秋世猶存紀年云于越子朱句三十五年滅鄒今按史記楚世家頃襄王十八年猶有鄒國相去一百三十五年紀年誤

萊

子姜 夏后少康子

今山東登州府黃縣東南二十里有萊子城國子會稽今浙江紹興府治山陰縣

宣八年見獲麟後一百四十七年大為楚所破遂微

劉子姬 匡王子

唐

侯 祁 堯後

今河南河南府偃師縣南三十五里有劉聚今湖廣德安府隨州西北八十五里有唐城鎮今山西潞安府黎城縣東北十八里有黎侯城

宣十二年見定五年滅于楚

郭附庸

州來

侯 姜

未詳或已在今山東沂州府郯城縣東北在今江南鳳陽府壽州北三十里今河南南陽府城西三十里有呂城

成七年見昭十三年滅于吳

檀

伯

蓋在今河南懷慶府濟源縣境

成十一年見

鄆 子 嬖

國于啟陽今山東沂州府治北十五里有開陽城

之不知何年并于楚漢志吳房縣孟康註楚封吳夫概于此故曰吳房

鍾吾 子

今江南徐州府宿遷縣西北有司吾鄉

昭二十七年見三十年吳子執鍾吾子疑遂亡

桐 偃

今江南安慶府桐城縣

戎

今山東曹州府曹縣東南四百里楚邱城是

北戎

今湖廣襄陽府南漳縣東北五十里有中廬鎮

廬戎 子

今湖廣襄陽府南漳縣東北五十里有中廬鎮

大戎 唐叔後

在今陝西延安府境

小戎 允 四岳後

今陝西肅州西八百六里敦煌廢縣是後遷伊川

驪戎 男 姬

今陝西西安府臨潼縣東二十四里有驪戎城

山戎 卽北戎

麗地

狄 有白狄赤狄二種

莊三十二年見

犬戎 西戎之別在中國者

今陝西鳳翔府境其本國則今陝西西寧府西北樹敦城是也

東山皋 落氏

赤狄別種

今山西絳州垣曲縣西北六十里有皋落鎮又山西平定州樂平縣東七十里

揚拒泉皋 伊維之戎

有皋落山未詳孰是

僖十一年揚拒泉皋伊維之戎同伐玉城按文八年公子遂及雒戎盟于暴國語北有洛泉徐蒲知其類

淮夷

陸渾之戎子允

又名陰戎

在今江南徐州府邳州境 僖十三年見

即小戎之徙于中國者

陸渾即瓜州地名後遷伊川今河南府嵩縣北三十里有古陸渾城

僖二十三年見

膺咎如

隗

赤狄別種

今山東萊州府膠州南有僖二十九年見

介

東夷國

介亭

姜戎

子姜

四岳後陸渾之別部

僖三十三年見襄十四年晉執戎子駒支即此

白狄

傳云白狄及君同州當與秦相近在今陝西延安府境

鄭瞞

漆

防風氏後

古防風氏國于封禺之山文十一年見宣十五年滅在今浙江湖州府武康縣于晉春秋時為長狄在今山東濟南府北境

羣蠻

在今湖廣辰州沅州二府文十六年見戰國時滅于楚

百濮

西南夷

在今雲南曲靖府境或曰文十六年見湖廣常德辰州二府境

赤狄

赤狄種類至多

宣三年見

根牟

東夷國

今山東沂州府沂水縣東宣九年見為魯所滅南有牟鄉

潞氏

赤狄別種

今山西潞安府潞城縣 宣十五年見為晉所滅

甲氏

赤狄別種

在今直隸廣平府雞澤縣宣十六年見為晉所滅下境

留吁

赤狄別種

今潞安府屯留縣東南十里純留城是

鐸辰

赤狄別種

在潞安府境

茅戎

戎別種

今山西解州平陸縣東南成元年見

戎蠻

戎別種

今河南汝州西南有蠻城成六年見哀四年滅于楚

無終

山戎國

今直隸永平府玉田縣西襄四年見有無終城

皇青巫淫賣扁

春秋大事表五

五

皇青巫淫賣扁

春秋大事表五

五

肅慎

東北夷

今興京所屬地

昭九年見

亳

西夷史記索隱在今陝西北境蓋成湯之裔

隱十年為秦所滅昭九年見傳

鮮虞一名出

姬

白狄別種

今直隸真定府西北四十里有鮮虞亭

昭十二年見獲麟後一百八十六年滅于趙

肥

子

白狄別種

今直隸真定府藁城縣西南七里有肥曼城

昭十二年見為晉所滅

鼓

子

祁

白狄別種

今直隸真定府晉州是

昭十五年見二十二年滅于晉

有莘

夏商時國

僖二十八年見。以下古國

有窮

夏商時國

襄四年見下同

寒

偃

夏商時國

今山東萊州府濰縣東北三十里有寒亭

有鬲

偃

夏商時國

今山東濟南府德平縣東十里有故鬲城

斟灌

妘

夏商時國

今山東青州府壽光縣東北四十里有斟灌城又有灌亭

斟鄩

妘

夏商時國

今山東萊州府濰縣西南五十里有斟鄩城

過

妘

夏商時國

今山東萊州府掖縣北有過鄉

戈

彭

夏商時國

地在宋鄭之間

豕韋

彭

夏商時國

今河南衛輝府滑縣東南有韋城鎮

襄二十四年見按昭二十九年傳云夏后孔甲嘉劉累賜氏曰御能以豕韋之後杜註以劉累代彭姓之豕韋累尋遷魯縣豕韋復國至商而滅累之後世復承其國為豕韋氏

觀

妘

夏商時國

今山東曹州府觀城縣

昭元年見下同

扈

妘

同上

在今陝西西安府鄠縣北

妘

妘


商時國

今江南徐州府邳州

邳

奄	仍	有緝	駘	岐	蒲姑	逢	昆吾	密須
嬴								
夏時國	夏時國	夏時國	夏時國	夏時國	商時國	商時國	夏時國	商時國
今山東兗州府曲阜縣東二里有奄城	昭四年見下同	今陝西乾州武功縣西南二十二里有駘城	今陝西鳳翔府岐山縣	今山東青州府博興縣東北十五里有蒲姑城	昭十年見其地後為齊國	在今河南許州府又直隸大名府開州東二十五里屬許衛二國	有昆吾城按正義曰益昆吾居此二處未知孰為先後	今陝西平涼府靈臺縣西五十里有陰密城


關鞏	甲父	鰲	饒夷	封父	有虞
古國	同上	古國	虞夏時國	古國	夏商時國
今山東兗州府金鄉縣有甲父亭	昭十六年見	昭二十九年見其地後為州蓼之蓼	封于鰲川	今河南開封府封邱縣	今河南歸德府虞城縣
		昭二十九年見其地後為曹國		定四年見	哀元年見○武王封其後于陳



皇清經解續編卷七十四終

皇清經解續編 春秋大事表五

漢州張祥齡校
吳縣吳大彬校



春秋列國地形犬牙相錯表敘

先王建國各有分地紛若列碁界如分畛其後列侯爭相侵奪
 務據勢勝而春秋列國之疆域繁然亂矣如山東濮州范縣為
 晉士會邑楚之子西為商公為今陝西商州之維南縣學者多
 所不曉以此讀傳譬若矮人觀場余竊病之今詳考輿圖各據
 今之州府而列春秋當日之地形犬牙錯互處以左氏經傳附
 註其下其在大國者無論即如鄭衛魯宋以一國而錯列幾府
 邾滕鄆薛以四國而並處一縣今兗州府滕縣他如吳楚徐越界在蠻
 夷未收版籍今日而欲知其交兵苦戰者在何地使命通接者
 在何方晉之通吳以制楚也滅偃陽以與宋通吳晉往來之道
 而今之沛縣實當南北之衝偃陽在今沛縣楚之通越以制吳也越大

皇清經義

春秋大事表

敘

夫胥犴勞王于豫章之汭歸王乘舟且帥師從王而今之饒州實居楚越之界饒之鄱陽為楚饒之餘干為越以至山東不當有晉地觀隨武

子之稱范蠡宣廿五年滅潞之後而知其皆赤狄遺疆另有晉

之封域彌大所景公之世陝西不當有楚地觀于西之為商公

在文十年商臣老世而知少習武關早為楚有商城在武關西北百二十里

楚之間鼎幾成于踐土之前楚之順大江而直下也吳不能勝

楚而盛兵以瞰東北多在廬壽潁亳之間晉之據桃林以西拒

也秦不敢抗晉而竊出以窺東南多出上雒析城之界觀笠澤

為吳越接戰之區則知茗雪為兩國莫居之地觀黃池為吳晉

會盟之地則知運河早已合江淮沂濟之流黃池在今河南封邱縣吳既溝通江

淮復闕為深溝于商魯之間北屬之沂西屬之濟以會晉于黃池沂水入泗濟在封邱縣南蓋其水道自江入淮自淮入泗自


泗入沂復穿魯宋之境連屬水道有不通者鑿而通之以達庶


于封邱之濟起揚州至封邱千有餘里即今日運河之故迹庶

茫茫千載歷歷可見如審星以識度撫掌而指螺而凡行師道

里之迂直遠近盟會徵調之疏數繁簡靡不曉然確知其故斯

亦學春秋者之所必講也輯春秋列國地形犬牙相錯表第六





皇清經解續編卷七十五

南菁書院

春秋大事表六

列國地形
犬牙相錯

無錫顧棟高復初著

河南

河南陝州開封陳州許州歸德汝州懷慶衛輝彰德汝寧光州南陽	府本及靈府為府以府以府本本周府本府本府為府為黃府為	東周寶闕鄭地陳得許得宋地王畿周王衛地晉衛江道息賴申呂	王畿鄉二兼有名中名後中有地後畿地後半二國柏房蔣蓼蓼諸	地後縣本衛魯有項入于陳衛為晉桓王入于地	有陸虢國宋陳頓二鄭鄭鄭三鄭楚以與晉晉	渾及後入四國國後人謂國亦三國鄭襄人謂	晉地晉	錯壤項入之舊斗入接界王復之舊	南遷楚全全境
----------------------------	---------------------------	----------------------------	----------------------------	---------------------	--------------------	--------------------	-----	----------------	--------

兼有	又斗魯頓許又楚地	楚地	許容
鄭地	入楚入楚斗入又夏	楚全	楚遷
地	鄭又斗楚召邑縣	境皆	許容
之虎入宋陵地為曹	是與鄭地	楚地	城在
牢屬鄭王後鄭黍邱	晉鄭為晉	楚地	葉縣
晉由國地之櫟邑地	二國衛鄭	楚地	西定
是兼	錯壤三國	接壤	六年
有晉	邑入	接壤	鄭滅
地	楚由	楚地	許更
是禹	州為	楚地	兼有
楚地	楚地	楚地	兼有

河南府

鄭地

今府城西偏故河南縣為周王城即周公所營洛邑平王東

遷居此府城東二十里洛陽故城為成周即周公所營下

都敬王遷都于此狄泉本在下都城北定元年城成周繞

狄泉于城內

鞏縣西南七十里有轅轅山又洛水于鞏縣入河亦名什谷

隋于此置洛口倉春秋謂之洛汭襄二十一年使候出諸

轅轅昭元年趙孟館于雒汭蓋周晉往來必由之道昭二

十五年尹文公涉于鞏杜註于鞏縣涉洛水也

府城南三十里有闕塞山昭二十六年晉師納王使女寬守

闕塞卽此里晉闕塞山卽二十六平晉闕塞王少文
偃師縣南二十里有緱氏城爲滑國僖公三十三年爲秦所

滅後屬晉成十七年鄭子駟侵晉虛滑後又屬周定六年

鄭伐周馮滑胥靡皆此滑國也周人又謂之侯氏昭二十

二年子朝之亂晉師軍于侯氏卽此

又偃師縣西二十里尸鄉亭爲西亳春秋時係鄭地襄十一

年同盟于亳城北卽此

澠池縣界有蚌爲虢邑莊二十一年王巡虢守虢公爲王宮

于蚌卽此

永寧縣北六十里有峭山春秋時謂之二穀東北入澠池縣

界本虢地後屬晉僖三十三年晉人敗秦師于穀卽此詳

見險要

嵩縣本周之伊川地僖二十二年秦晉遷陸渾之戎于此昭

十七年陸渾滅于晉

陝州

州南二里有焦城卽焦國後并于晉爲邑

州西南三十二里有曲沃城爲晉之瑕邑文十三年晉使詹

嘉處瑕以守桃林之塞卽此

州硤石鎮西十五里有莘原爲虢之莘地莊三十二年有神

靈降于莘卽此

閿鄉縣東三十里有稠桑驛爲虢桑田地僖二年虢公敗戎

于桑田後入晉成十年傳晉景公召桑田巫卽此

靈寶縣爲晉之桃林塞晉守之以拒秦處後爲秦函谷關詳見險要

盧氏縣有陰地城爲晉之陰地宣二年趙盾自陰地率諸侯之師以侵鄭哀四年蠻子赤奔晉陰地杜俱註晉河南山北自上洛以東至陸渾上洛今陝西商州雒南縣陸渾今河南府嵩縣其地南阻終南北臨大河所謂河南山北也而盧氏縣乃命大夫屯戍之所猶南陽爲河南之總名而別有南陽城則在脩武也

開封府

今儀封封邱二縣爲衛地祥符蘭陽中牟陽武鄆陵洧川尉氏鄭州河陰汜水滎陽滎澤一州十一縣皆鄭地陳留爲

陳地杞縣爲宋雍邱地又鄭之圍地在杞縣南五十里與楚接界脩干戈以虞患故曰圍昭五年韓起自楚至鄭鄭伯勞諸圍盖以此地爲楚鄭接壤也又杞縣北四十里有鳴鴈亭爲鄭鳴鴈地成十六年晉侯伐鄭至于鳴鴈卽此又蘭陽縣東北二十里爲宋戶牖地哀十三年會于黃池吳人因子服景伯而還及戶牖歸之卽此城東四十里有鄭時來地隱十一年公會鄭伯于時來卽此又尉氏縣西南四十里有向城爲鄭向地襄十一年諸侯師于向杜註鄭地卽此又縣西北四十里菟氏城係鄭地昭五年鄭伯勞屈生于菟氏卽此又爲鄭大夫尉氏邑縣因

挂以得名

封邱縣為魯衛宋鄭四國錯壤在衛者曰平邱在魯者曰黃池在宋者曰長邱在鄭者曰蟲牢昭十三年會于平邱係衛地在封邱縣東四里哀十三年會于黃池係魯地在封邱縣西南黃池為魯地從趙匡說胡文定謂為衛地者非文十一年傳鄭瞞伐宋宋敗之于長邱係宋地在封邱縣南八里即白溝也孟康曰長邱今翟溝是白音轉為翟又縣北三里有桐牢一名蟲牢係鄭地成五年同盟于蟲牢襄八年楚侵鄭至于蟲牢即此

滎陽縣東二十里有隴城春秋時謂之垂隴係鄭地文二年盟于垂隴襄二十年鄭伯享趙孟于垂隴即此
滎澤縣西北十五里有王宮城城內東北隅有踐土臺係鄭

今地僖二十八年盟于踐土即此去衡雍三十餘里括地志
云原武縣西北七里有卷縣故城即衡雍城也

虎牢在汜水縣南二里莊二十一年惠王與鄭以武公之略自虎牢以東後入晉襄十年諸侯成鄭虎牢即此

敖山在河陰縣西二十里宣十二年晉師在敖鄙之閒即此敖山也秦于其地沿河置倉名曰敖倉北臨汴水酈生說

漢高據敖倉之粟即此
宣十二年晉楚戰于邲邲城在鄭州東六里成十六年晉楚

戰于鄆陵鄆陵城在今鄆陵縣西南四十里皆鄭地亦曰鄆隱元年鄭伯克段于鄆即此蓋鄆本古國武公滅之初

仍故名後乃改為鄆陵

洧川縣南有鄭曲洧地成十七年諸侯伐鄭自戲童至于曲
 洧杜註新汲縣治曲洧城臨洧水在今縣南又縣西有鄭
 陰口地襄九年諸侯濟于陰阪次于陰口而還杜註陰阪
 宣洧津陰口鄭地名
 陽武縣北十里有鄭城棣地襄五年諸侯會于城棣以救陳
 杜註鄭地寰宇記有南棣城北棣城在縣北十里二棣城
 之間有博浪沙亭即子房擊始皇處
 陳留縣東北四十里有老邱城為宋老邱地定十五年鄭敗
 宋師于老邱即此

陳州府

今府治淮寧縣即陳宛邱地

商水縣舊名南頓縣為古頓國定十四年為楚所滅光武父

欽為南頓令

項城縣為古項國僖十七年魯滅項後亦并于楚項氏世為

楚將封于項即此

又府治西北有犖城為宋地僖元年會于榿左傳一作犖即

此

西華縣西南有闔倉城為宋鬼闔地昭二十年八公子之徒

與華氏戰于鬼闔杜註潁川長平縣西北有闔亭是也

沈邱縣東有養城為楚養邑昭三十八年吳公子掩餘燭庸

奔楚楚子大封而定其徒逆吳公子使居養是也

扶溝縣為鄭桐邱地莊二十八年鄭人將奔桐邱今縣西二

許州府城在府治東三十里今為新設石梁縣故許國也成十

五年許靈公畏鄭遷于葉鄭有其地仍謂之舊許襄十

地臨潁即鄭莊公置母姜氏處長葛即縞葛隱五年宋人

以周襄王出居于此故名

又府治西北為鄭陽陵地當鄭國之南襄十年諸侯伐鄭至

于陽陵即此

鄭城縣東四十五里為楚召陵地僖四年齊伐楚盟召陵昭

十四年楚屈罷簡東國之兵于召陵即此

禹州為鄭櫟地桓十五年鄭伯突入于櫟杜註櫟為鄭別都

今禹州治後入楚昭元年楚靈王為令尹始城之至平王

初立使子躬致鄭櫟之田事畢弗致禹州終為楚地

密縣新鄭皆鄭地密縣為鄭新密亦曰新城僖六年齊桓公

歸德府

又伐鄭圍新城即此新鄭為鄭滅檜國地以別于初封之鄭

故號曰新鄭縣北十三里有函陵僖三十年晉秦圍鄭晉

軍函陵即此又縣東北有制城成十六年伐鄭諸侯遷于

制田是也

宋全有商邱寧陵鹿邑夏邑永城虞城睢州考城柘城一州

今鹿邑縣西十三里爲陳鳴鹿地成十六年諸侯之師侵陳
至于鳴鹿卽此

睢州接寧陵縣境爲衛首止地僖五年會王世子于首止卽
此

又寧陵縣西南七十里有夫棘城爲春秋時宋鄭戰處後爲
楚莊所并今夫棘城有楚太子建墳及伍員釣臺

睢州境內有衛襄牛地僖二十八年衛侯出居于襄牛杜註
云衛地卽此又州東南有鄆郟地襄元年諸侯之師次于

鄆杜註鄆地在陳留襄邑縣東南
考城縣東有葵邱係宋地僖九年會于葵邱卽此縣西三十

六里有黃溝爲宋黃地隱元年傳惠公之季年敗宋師于
黃卽此

僖二十二年宋楚戰于泓泓水名在今柘城縣北三十里
夏邑縣西南有曹黍邱地哀七年宋人伐曹築五邑于其郊

又曰黍邱指邱大城鍾邦杜註梁國下邑縣西南有黍邱亭
案下邑漢縣金改曰夏邑今仍之

汝州
楚文王封眡于汝楚地止于汝水之南成十六年楚以汝陰

之田求成于鄭高氏曰汝水出汝州魯山縣至潁州入淮
其在汝州郟縣及裕州葉縣間者汝陰田也郟自是入鄭

後復入楚昭元年楚靈王爲令尹城郟十九年令尹子瑕

復城之郊復為楚地

魯山縣有鄭繞角地成六年晉欒書救鄭與楚師遇于繞角

卽此杜佑通典汝州魯山縣東南繞角城

伊陽縣為周邾垂地文十七年甘歊敗戎于邾垂蓋卽伊洛

之戎與伊陽接壤昭二十九年晉趙鞅荀寅帥師城汝濱

杜註卽晉所取陸渾地陸渾在河南府嵩縣地相接

又州東南五十里有鄭魚齒山襄十八年楚師伐鄭涉于魚

齒之下杜註魚齒山下有澧水故言涉又州西南有蠻城

為春秋時戎蠻子國昭十六年楚誘戎蠻子嘉殺之哀四

年晉執戎蠻子赤歸于楚自是地滅于楚矣

懷慶府

鄭氏詩譜曰周東都畿內方六百里北得河陽河陽在河之

北卽懷慶府也隱十一年桓王與鄭蘇忿生之田十二邑

鄭不能有復歸周桓七年王遷盟向之民于邾僖二十五

年襄王賜晉文公以陽樊温原攢茅之田晉始啟南陽由

是懷慶所屬七縣原武屬鄭濟源修武孟縣温縣屬晉王

今所有者河內武陟二縣而已

僖二十五年殺大叔于隰城卽隰邾在懷慶府河內縣成十

一年卻至與周爭鄆田鄆卽鄆人亭在懷慶府武陟縣

案僖二十八年晉敗楚師于城濮城濮為衛地在今山東曹

州府濮州南七十里甲午至于衡雍作王宮于踐土踐土

在今開封府滎澤縣西北十五里衡雍在原武縣西北七

里皆鄭地天王狩于河陽河陽城在孟縣西南三十里會于溫溫城在今溫縣西南三十里皆晉地蓋文公伐衛致衆楚因而勝之還師由衛歷鄭及周渡河而北返于河陽道里歷歷可見

衛輝府

今淇縣為衛朝歌康叔始封都此汲縣為衛河內輝縣為衛百泉後俱屬晉

延津縣為鄭廩延邑亦曰酸棗隱元年傅大叔收貳以為己邑至于廩延襄三十年游吉奔晉駟帶追之及酸棗廩延

酸棗同一地

渭縣為衛漕邑戴公廬曹即此縣東六十里有衛南故城為

衛楚邱文公遷都于此

濬縣為晉雍榆及牽地襄二十三年叔孫豹救晉次于雍榆定十四年會于牽皆在濬縣境

新鄉縣為晉厥憇昭十一年晉會諸侯于厥憇謀救蔡即此

彰德府

今安陽縣有衛商任地襄二十一年會于商任以錮欒氏即此

內黃縣北有衛戲陽城昭九年晉荀寅如齊逆女還卒于戲

陽即此

林縣西北林慮山洹水所出經臨漳安陽內黃而入衛水亦曰安陽河成十七年聲伯夢涉洹即此水也

汝寧府

江國在汝寧府真陽縣東道國在確山縣北二十里有道城
柏國在西平縣西有柏亭房國在今遂平縣西北百里楚
後以封吳夫概王謂之吳房沈國在今汝寧府治東南皆
滅于楚蔡始封上蔡縣昭十三年平侯徙新蔡至哀二年
冬吳更遷蔡于州來由是汝寧一府全境皆楚地
信陽州為楚大隧直轅冥阨三關之地吳兵陸行入楚之隘
道冥阨一名平靖關在州東南九十里大隧一名武陽關
在州東南一百五十里直轅一名黃峴關在州南九十里
俱與湖廣德安府應山縣接界所謂義陽三關之塞也詳
見險要

光州

今光州西十二里有黃城息縣西南七里有息城賴在息縣
東北商城縣南有賴城固始縣西北七十里有期思城為
蔣國又蓼國在今固始縣東北蓼城岡即文五年楚所滅
又之蓼國也五國皆滅于楚全境皆楚地
息縣東有白城楚白公封邑哀十六年傅子西召太子建之
子勝于吳使處吳境為白公杜註白楚邑今汝陰褒信縣
西南有白亭是也在今息縣東北七十里

南陽府

故申城在府治南陽縣故吊城在府城西三十里蓼國在唐
縣南八十里此蓼為楚武王克州蓼之蓼桓十一年傳所

謂隨絞州蓼伐楚師者也與文五年所滅之蓼不同三國皆滅于楚南陽唯犍邑屬鄭後仍屬楚昭元年楚靈王爲令尹城犍卽此由是南陽一府皆爲楚地矣

又南陽縣北爲楚武城地僖六年許僖公見楚子于武城襄九年秦人侵晉楚子師于武城爲秦援楚有事于中國恆出兵于此

又浙川縣境有豐鄉城地與鄖陽之上津接爲楚豐邑哀四年司馬起豐析與狄戎以臨上雒杜註析縣屬南鄉郡析南有豐鄉皆楚邑


又內鄉縣西南有三戶亭哀四年晉執蠻子與其五大夫以畀楚師于三戶杜註今丹水縣北三戶亭是也

裕州爲楚方城築連城以拒中國處齊晉伐楚必及此地方城在今裕州東北四十里北連葉縣楚人因山爲固起葉縣至唐縣築城連接數百里國語齊桓公伐楚濟汝踰方城左傳文三年晉陽處父伐楚以救江門于方城襄十六年荀偃伐楚侵方城之外爲楚之重鎮受兵處

山東

兗州濟南武定泰安沂州曹州東昌青州登州萊州府本府全府爲府爲府以府爲府全府舊府舊魯始境皆齊地齊魯齊魯曹得齊晉境皆有萊有介封地齊地中有
中分莒邾名中衛三齊地牟二莒二之地四國兼魯國交中有國後國地

齊宋 衛三 國地 并滕 薛邾 郕鄆 任諸 小國



兗州府

魯有曲阜滋陽寧陽泗水金鄉魚臺汶上及濟寧州嘉祥縣
凡一州八縣之地後兼涉滕鄒嶧三縣境

嘉祥縣西二十五里有獲麟堆哀十四年傳西狩于大野獲

麟杜註大野在高平鉅野縣東北大澤是也案今嘉祥縣

卽鉅野縣之所分金皇統中析置

金鄉縣東北二十里為宋緡邑僖二十三年齊侯伐宋圍緡

二十六年楚人伐宋圍緡卽此為宋邊境數被齊楚侵伐

鄒縣東南二十六里為邾國地文十三年邾文公遷于繹繹

卽鄒山後改國號曰鄒以此

滕縣為滕薛邾三國滕城在縣西南十四里薛城在縣南四

十里邾城在縣東六里又縣北為邾絞邑哀二年伐邾將

伐絞卽此

陽穀縣為齊地僖三年齊宋江黃會于陽穀卽此

又縣東有阿澤爲衛地與東阿縣接界爲今運道所經有七級上下二閘卽襄十四年孫氏敗公徒于阿澤處

嶧縣東八十里爲郟地

濟寧州治爲任國

又州東南有郟城爲郟國襄十三年并于魯

又滕縣南十五里有鄒河爲邾田襄十九年取邾田自鄒水哀二年季孫斯伐邾取鄒東田由是魯地兼涉滕縣之境

濟南府

今府治歷城縣南十里爲齊之鞏地成二年齊晉戰處高氏曰穀梁傳鞏去齊五百里括地志及通典並以鞏在平陰縣今平陰至臨淄果得五百餘里以傳會穀梁之說似可

信乃以本傳考之壬申晉師至于靡笄之下癸酉師陳于鞏自始合以至齊敗三周華不注止爲一日事甚明案華不注山在濟南城北見于水經無可疑者若云鞏在平陰則去濟南二百三十里何由一奔遂至此近志云鞏卽古之歷下殆不易之論也史記云戰于靡下徐廣云靡當作歷蓋因靡笄之下省文爲靡下靡字又譌而爲歷耳案高氏之說極精鞏當在歷城無疑

又今歷城縣西南有小清河春秋時謂之灤水桓十八年公會齊侯于灤卽此其源卽趵突泉濟水伏流重發處志云濟之南源也又東北合大清河卽濟瀆水經注灤水出歷城縣故城西南泉源上湧若輪春秋桓公會齊侯于灤是

也其水北爲大明湖引瀆入西郭北流逕歷城東引水爲流栢池州僚賓燕多萃其上又北注灤水今灤水並城北流大明湖在城內自城北水門合灤水又東北經華不注山合華泉又東北合大清河

齊河縣境有大清河自泰安府平陰縣流入長清縣又東北入齊河縣境春秋時謂之濟水隱二年齊鄭盟于石門鄭伯之車僨于濟卽此石門在長清縣西南濟水之門也舊有石門在岸側去水三百步今圯于水

又齊河縣北有晏城爲晏平仲采邑縣東有齊野井昭二十五年齊侯唁公子野井卽此

又長清縣西南二十五里有盧城爲齊公子高後采邑成十七年齊高弱以盧叛襄十八年晉趙武韓起以上軍圍盧卽此

又歷城縣東三十里有鮑城在鮑山下爲鮑叔牙采邑山因城名

又長清縣豐齊鎮北二里有故祝柯城襄十九年諸侯盟于祝柯卽此左傳謂之督揚唐乾元二年史思明侵濟南守將李銳于長清邊家口決大河東至縣縣遂淪陷移治于遷善鎮卽今禹城縣治

又禹城縣北四十里有故高唐城襄十九年夙沙衛入于高唐以叛卽此二十五年祝佗父祭于高唐杜註高唐有齊別廟爲齊之宗邑猶宋之亳晉之曲沃齊景公母穆孟姬

爲陳氏請高唐陳氏始大

又禹城縣西北有轅城爲齊轅邑哀十年晉趙鞅伐齊取犁

及轅卽此

章邱縣西北三十里有賴亭爲齊賴邑哀六年胡姬以安孺

子居賴卽此西北六十里有崔氏城爲崔杼邑襄二十七

年崔成請老于崔卽此

長山縣西南二十里有於陵城爲齊於陵邑左傳謂之夫子

昭十年陳桓子召子周與之夫子卽此戰國時陳仲子所

居

臨邑縣西十里爲齊犁邑卽哀十年晉趙鞅伐齊所取者

武定府

今海豐縣爲齊之無棣邑水經注清河入南皮縣界分爲無

棣溝流逕高城入海今河閒府滄州之慶雲縣及武定府

之海豐縣皆有無棣溝舊合高津河入海通魚鹽之利今

東淤

泰安府

今府治泰安縣城北五里有泰山史記貨殖傳其陽則魯其

陰則齊

萊蕪縣東二十里爲牟國地通典牟國在登州蓬萊縣似誤

此漢之東牟縣也

新泰縣爲魯平陽宣八年城平陽卽此

東阿縣爲齊阿邑亦曰柯莊十三年齊桓爲柯之盟卽此

又縣東北有清亭爲衛清邑隱四年公及宋公遇于清卽此
縣西二十五里有桃城爲衛桃邱邑桓十年公會衛侯于

桃邱卽此

肥城縣爲齊平陰地襄十八年諸侯伐齊齊侯禦諸平陰今
故城在縣東北三十五里

又平陰縣東南爲齊京茲邑縣西爲齊邾邑荀偃士句以中
軍克京茲魏絳欒盈以下軍克邾卽其地

東平州東二十里爲宿國莊十年宋人遷宿更爲宋地

又州東六十里爲鄆國紀附庸也莊三十年降齊爲齊地

沂州府

今府治北十五里有開陽城故鄆國後入魯爲啟陽邑哀三

年季孫叔孫城啟陽卽此

費縣爲魯費邑僖公賜季友爲采邑

沂水縣東南有牟縣爲東夷根牟國宣九年取根牟更爲魯

地昭八年蒐于紅自根牟至于商衛革車千乘商卽宋宋

衛在魯西蓋由魯極東以至極西舉全境而言也

又沂水縣治西北四十里有古鄆城爲魯之東鄆莒魯所爭

者文十二年季孫行父帥師城諸及鄆此時鄆蓋屬魯後

入于莒成九年楚子重圍莒莒潰楚遂入鄆卽此鄆也至

昭元年季孫宿伐莒取鄆自是鄆常爲魯有矣

莒州爲莒國戰國時入齊爲邑齊潛王走莒卽此

郟城縣爲郟國與江南邳州接界宣四年公會齊侯平莒及

郟蓋二國本隣近也

蒙陰縣西北堂阜溪上有夷吾亭爲管仲稅囚處係齊地

曹州府

定陶縣爲曹都詩譜云在雷夏荷澤之野夾于魯衛之間今府治荷澤縣是其地也又濮州西南五十里有洮城爲曹地僖三十一年晉文公分曹地自洮以南東傳于濟齊桓公嘗盟諸侯于此

曹縣南八十里爲曹南山僖十九年宋人曹人邾人盟于曹南范氏曰曹南曹之南鄙是也詳見曹山川

又曹縣境內有鄭武父地桓十二年公會鄭伯盟于武父杜註武父鄭地卽此

又曹縣西十里爲宋貫地僖二年齊侯宋公江人黃人盟于貫杜註宋地又縣北三十里爲宋穀邱地桓十二年公會宋公燕人盟于穀邱卽此

曹縣東南四十里爲衛楚邱邑隱七年戎伐凡伯于楚邱以歸襄十年宋公享晉侯于楚邱卽此其地蓋在曹宋之間是爲衛之南楚邱與滑縣之楚邱有別

又曹縣東北八十里爲曹重邱邑襄十七年衛孫蒯田于曹隧飲馬于重邱重邱人詢之遂伐曹取重邱杜註重邱曹地高氏云案六韜周志古亡國三十其中有重邱國以美女遺青陽路史曰在曹州寰宇記重邱在乘氏縣東北三十一里漢乘氏縣隋以後俱屬曹州今故城在曹縣東北

五十里或云在東昌府東南跨在平縣界乃襄二十五年諸侯同盟之重邱此係齊地杜氏明註兩國不可混方輿紀要混而一之似誤又縣北有大鄉城為曹鄆邑昭二十一年曹公孫會自鄆出奔宋杜註鄆曹邑即此又曹縣東北為宋鹿上地僖二十一年宋人齊人楚人盟于鹿上杜註宋地

又縣東北三十里為魯生竇地為齊魯交界莊九年殺子糾于生竇即此

濮州南七十里有臨濮城為衛城濮地僖二十七年晉敗楚師于城濮即此所謂伐衛以致楚是也

觀城縣為衛五鹿地與直隸大名府開州接界晉文公還自南河濟侵曹伐衛取五鹿即此詳見開州

鄆城縣為魯西郕成四年城郕杜註公欲叛晉故城之以為備蓋與晉接界昭二十六年齊取之以居公者

城武縣東北三十二里有梁邱城為魯地莊三十二年齊侯宋公遇于梁邱即此又縣東南有北部城為郕國有南部城為宋邑隱十年歸于魯

單縣即魯單父縣宓子賤鳴琴而治者

范縣為晉士會邑今縣東三里有士會墓後范入齊為邑孟子自范之齊即此蓋春秋之末范氏叛晉齊衛助之而范因以入齊耳據此則范在齊衛之間益信季氏私考疑濮州衛地晉不應以封其大夫士氏本居隨疑范為隨之別

名者非也

又范縣東南七十里有廩邱故城爲齊之廩邱邑又有羊角城爲衛之羊角邑鄆城東北與范縣接界爲魯之高魚邑襄二十六年齊烏餘以廩邱奔晉又襲衛羊角襲魯高魚又取地于宋明年晉悉以其地還諸侯則范縣鄆城之境爲齊晉宋魯衛五國之交界地最分錯

又范縣南二里有秦亭爲魯地莊三十一年築臺于秦杜註東平范縣西北有秦亭是也

又范縣東南五十里有顧城爲齊地哀二十一年公及齊侯盟于顧杜註顧齊地詩云韋顧既伐昆吾夏桀卽此顧也

東昌府

今府治聊城縣爲齊聊攝晏子所謂聊攝以東也堂邑縣爲齊棠邑棠公爲棠邑大夫孟子勸齊王發棠卽此後譌爲堂在平縣爲齊重邱襄二十五年同盟于重邱卽此又大隧在今高唐州境襄十九年齊及晉平盟于大隧卽此皆齊地又縣西南十二里有夷儀聚爲邢國地僖二年邢遷于夷儀卽此衛滅邢地入于衛後又入晉定九年齊伐晉夷儀蓋齊晉衛三國接壤地

冠縣爲晉冠氏邑哀十五年齊伐晉取冠氏卽此邱縣爲晉乾侯邑昭公出居于乾侯卽此係晉地

桓十六年傳衛使公子伋如齊使盜待諸莘杜註衛地成二
年戰于鞏傳晉師從齊師于莘杜註齊地今案東昌府莘

縣西去府治七十里從東昌府治至濟南府治歷城縣中
經荏平長清齊河三縣共二百四十里鞏爲歷城縣從莘
至鞏約計三百一十里高氏疑其太遠遂疑莘非今日之
莘縣然愚嘗就傳文考之上去及衛地韓獻子將斬人云
云下遂云師從齊師于莘六月壬申師至于靡笄之下則
知莘與鞏中間原隔幾日觀其特志月日可見蓋當日莘
地必有齊之偏師侵略衛疆而未返者晉師適遇遂與交
戰緣是偏師零卒望風披靡故不言勝負至六月壬申遂
長驅至靡笄之下則傳所云從齊師者乃是志前月事耳
考今日之地理細案傳文之時日可以瞭然無疑莘應崑
屬衛地杜兩注者猶屬騎牆之見也

恩縣爲晉東陽地襄二十三年齊伐晉趙勝帥東陽之師追
之獲晏釐又昭二十二年晉荀吳略東陽以滅鼓杜兩註
俱云東陽晉之山東廣平以北王氏曰自漢以前東陽大
抵爲晉太行山東地非有城邑楚漢之間始置東陽郡漢
置東陽縣屬清河郡今恩縣西北六十里東陽故城是也
據此則東陽之地極廣今直隸之冀州及廣平府之清河
縣皆晉東陽之境

青州府

今臨淄縣爲太公始封之營邱博興縣爲齊薄姑左氏作蒲
姑本殷末薄姑氏國成王時薄姑與四國作亂成王滅之
以益太公之封後胡公徙都于此一名姑莩莊八年齊襄

公遊于姑毋卽其地

臨淄縣西五十里爲齊葵邱莊八年齊侯使連稱管至父成葵邱杜註臨淄縣西有地名葵邱是也蓋二人以久戍而怨非以遠戍而怨若僖九年會于葵邱此係宋地在河南

考城縣東

又博興縣南五里有貝中聚爲齊貝邱京相璠曰博昌縣南有地名貝邱卽齊襄公田處

府治益都縣西南爲齊馬陘史記作馬陵成二年齊晉戰于鞏晉師追齊師入自邱輿擊馬陘卽此齊乘淄水出益都岳陽山北經萊蕪谷又北經長峪道亦曰馬陵卽郤克追齊侯處邱輿亦在益都界

博山縣東有萊蕪故城爲魯夾谷邑定十年齊魯會于夾谷卽此

臨胸縣東南一百五里大峴山上有齊穆陵關山高七十丈周圍二十里道徑危惡僅容一軌爲齊南天險劉裕伐南燕慕容超兵過大峴舉手指天喜形于色卽此詳見險要僖四年管仲對楚使曰齊地南至于穆陵蓋齊之南境止此過此爲莒魯二國境

又杜氏通典臨胸縣東有東陽城爲齊東陽邑襄二年晏弱城東陽以逼萊子卽此案此係齊地與晉之東陽有別

安邱縣東北三十里有廢渚于城爲故渚于國春秋桓五年冬渚于公如曹度其國危遂不復後入杞爲杞都

昌樂縣東南五十里有廢營陵城春秋謂之緣陵僖十四年

淮夷病杞齊桓遷杞緣陵卽此後杞復遷淳于

又安邱縣西南有防亭爲莒防邑昭五年莒牟夷以牟婁及

防茲來奔遂屬魯案此防本屬莒地與魯之東防西防有

別

諸城縣東北有婁鄉城爲杞牟婁邑隱三年莒人伐杞取牟

婁自是遂屬莒杜註城陽諸縣東北有婁鄉是也昭五年

莒牟夷又以奔魯亦與安邱接境蓋二縣本連壤

又諸城縣西有茲亭爲莒茲邑昭五年莒牟夷以防茲來奔

卽此茲也

又諸城縣治西南三十里有古諸城爲魯諸邑莊二十九年

城諸及防杜註諸今城陽諸縣是也又文十二年季孫行

父城諸及鄆

又安邱縣東北十里有渠邱亭爲莒渠邱邑成九年楚子重

伐莒圍渠邱渠邱城惡眾潰奔莒楚師圍莒莒城亦惡莒

潰楚遂入鄆泲辰之間楚克其三城蓋地相近也莒爲莒

州鄆爲今沂水縣向俱屬青州府今改屬沂州府

登州府

今黃縣東二十里有萊子城卽萊國襄六年齊滅之爲邑二

十八年慶封田于萊卽此通典萊州治掖縣春秋萊子國

亦爲東萊郡以在齊國之東故曰東萊蓋萊之幅員廣遠

由萊跨登以至于海也

萊州府

今高密縣西有黔陬城為介國地膠州南七十里又有介亭
蓋高密與膠州連壤也

卽墨縣有棠鄉為萊之棠邑左傳齊入萊萊共公奔棠晏弱

圍棠滅之按史記營邱邊萊萊地甚廣互登萊二府之境

自是齊地東盡于海矣


又高密縣為晏子封邑蓋亦以晏弱滅萊棠之故

又高密縣東四十里有計斤城春秋時謂之介根莒茲輿期

始封邑也春秋初徙于莒此為莒別邑襄二十四年齊侯

伐莒取介根杜註莒邑今城陽黔陬縣東北計基城是也

漢置計斤縣



皇清經解續編卷七十五終


吳縣吳大彬校
桐城劉峻校

皇清經解續編

春秋大事表六上

三

皇清經解續編卷七十六



皇清經解續編卷七十六

南菁書院

春秋大事表六 列國地形犬牙相錯

無錫顧棟高復初著

直隸

順天	永平	保定	易州	河間	天津	真定	趙州	冀州	順德	廣平	大名
府為府	有府	為府	為北府	為府	為府	為府	為晉	為晉府	為府	舊府	為
北燕	無終	北燕	燕地	北燕	北燕	鮮虞地	地	晉地	為齊	晉衛	
國地	子國	鮮虞		晉二地	兼肥鼓			衛晉二國	赤狄	接境	
古孤	二國		國地	有齊	三國			四國	之地		
竹地	地兼			北無地	兼			交錯	中亦		
兼有	有晉			棣	有晉			之地	錯入		
燕地	地			地後							

皇清經解續編

春秋大事表六 中

肥鼓

滅于

晉

後赤鄭地

狄為

晉所

滅衛

邯鄲

亦屬

晉由

是齊

晉為

接壤

順天府

今大興縣為古薊邱燕所都史記曰武王封帝堯之後于薊

張守節正義曰召公始封蓋在北平無終縣以燕山為名

後漸強盛乃并薊徙居之至王喜二十九年秦攻拔我薊

燕始亡

永平府

今玉田縣治西有古無終城為春秋時無終子國

盧龍縣有舊肥如縣城應劭曰肥子奔燕燕封之于此

保定府

今唐縣北八里有唐山為燕唐邑亦曰陽昭十二年齊高偃

帥師納北燕伯于陽左傳作唐一地二名

又唐縣東北十三里有中人城為鮮虞中人邑昭十二年晉

荀吳帥師侵鮮虞及中人卽此
完縣東南三十里爲晉逆時邑哀四年齊國夏伐晉取逆時
酈道元以爲卽曲逆也張晏曰濡水于城北曲而西流故
名漢封陳平爲曲逆侯卽此

易州

今易州爲燕之下都記曰易者燕桓侯之別都又曰燕文公
遷易二君皆在春秋時是燕之有易猶夫晉之曲沃齊之
高唐以先君所常居而謂之下都

又燕昭王築黃金臺在易水東南十八里子丹踵其迹荆軻
歌風蕭蕭兮易水寒是其地也

又寰宇記燕召公始封卽今涑水縣後徙于薊

河閒府

任邱縣爲燕濡上地昭七年齊侯次于虢燕人行成盟于濡
上杜註濡水出高陽縣東北至河閒鄭縣入易水鄭縣在
今任邱縣境則濡上當在今安州任邱間

皇輿表以景州爲晉條邑左傳晉穆侯以條之役生太子案穆
侯時晉地不應到此疑未敢信

天津府

今滄州境有燕號地昭七年齊侯次于虢杜註虢燕竟卽此
慶雲縣爲春秋時齊之無棣案杜氏通典鹽山春秋時之無
棣邑也元分其地置兩無棣縣一屬河閒路之滄州一屬
濟南路之棣州明改河閒之無棣爲慶雲改濟南之無棣

爲海豐蓋二縣皆與鹽山接壤也今慶雲屬天津府海豐屬山東武定府

真定府

今府治西北四十里有鮮虞亭爲春秋時鮮虞國左傳亦曰

中山

晉州治爲鼓國又州東南爲春秋時昔陽昭二十二年晉荀

吳略東陽使師馘糴者負甲以息于昔陽之門外遂襲鼓

滅之昔陽卽鼓子都

藁城縣西南七里爲肥國昭十二年晉滅肥卽此

欒城縣爲晉欒邑欒武子所封哀四年齊國夏伐晉取欒卽

此

平山縣爲晉蒲邑在真定府西九十里

趙州

今州城中有棘蒲社爲晉棘蒲地哀元年師及齊師衛孔圉

鮮虞人伐晉取棘蒲卽此

柏鄉縣北十二里有古鄗城爲晉鄗邑哀四年齊國夏伐晉

取鄗讀若郭光武卽位于鄗南更名曰高邑北齊天保六

年移治于房子縣東北去舊城三十里卽今高邑縣

臨城縣治東有古臨城爲晉之臨邑哀四年趙鞅圍邯鄲邯

鄲降苟寅奔鮮虞趙稷奔臨卽此

冀州

今州治爲晉之東陽地苟吳略東陽以滅鼓卽此

順德府

今邢臺縣西南為邢國後入晉為邢邑晉以申公巫臣為邢

大夫哀四年齊國夏伐晉取邢即此

任縣東南為晉任邑襄三十年鄭羽頡奔晉為任大夫哀四

年齊國夏伐晉取任即此

唐山縣西十二里有柏人故城為晉之柏人邑皇甫謐曰柏

人城堯所都也哀四年齊莒施會鮮虞納荀寅于柏人即

漢高帝過柏人心動處

廣平府

今邯鄲縣為晉之邯鄲邑向屬衛後屬晉定十三年趙鞅殺

邯鄲午午子趙稷以邯鄲叛即此

又縣西為晉五氏邑亦曰寒氏為邯鄲午之食邑

襄二十七年衛侯之弟鱗出奔晉託于木門杜註木門晉邑

高氏按穀梁傳曰織紉邯鄲終身不言衛木門當在邯鄲

之境

成安縣東南十三里為晉乾侯邑昭二十八年公如晉次于

乾侯即此漢為斥邱縣闕駟曰地多斥鹵因名或以斥乾

侯為山東東昌府之邱縣意當與成安接壤或以斥邱而

誤脫一斥字也

清河縣治東杜佑曰齊地亦為晉東陽之境孔穎達曰東陽

是寬大之語總謂晉之太行山東地

永年縣東北為晉曲梁邑本赤狄之地宣十五年晉荀林父

敗赤狄于曲梁遂滅潞又晉侯之弟揚干亂行于曲梁卽此

又襄三年諸侯同盟于雞澤杜註在廣平曲梁縣西南當亦在永年縣境若今之雞澤縣乃隋析廣平縣所置非春秋時雞澤也

大名府

今開州治西南三十里有濮陽城爲衛帝邱僖三十一年衛成公遷都于此又州西北爲衛澶淵與河南彰德府內黃縣接界襄二十年晉及諸侯會于澶淵卽此又州北五里爲衛鐵邱哀二年晉趙鞅鄭罕達戰于鐵卽此又二里爲衛孫氏之戚邑文元年晉侯疆戚田卽此又州東南爲衛

斂孟僖二十八年晉侯齊侯盟于斂孟卽此東南三十里爲衛清邱宣十二年同盟于清邱卽此東南六十里爲衛鹹地僖十三年會于鹹卽此又州東有衛圍城襄二十六年孫蒯敗衛師于圍卽此又東二十五里爲昆吾觀哀十七年衛侯夢于北宮見人登昆吾之觀卽此又戚東鄙爲衛茅氏襄二十六年晉成茅氏卽此俱在開州境爲會盟要地孫氏之難晉助孫氏衛之受師亦多于此蓋開州瀕河東與東昌觀城縣接界北與內黃縣接界據中國要樞不獨衛之重地抑亦晉鄭吳楚之孔道也

府東四十五里有晉沙鹿山僖十四年沙鹿崩杜註陽平元城縣東有沙鹿土山是也又府東有沙亭爲衛沙地定七

年齊侯衛侯盟于沙杜註陽平元城縣東有沙亭

又府東四十五里為衛五鹿邑杜註陽平元城縣東亦有五

鹿晉文公過衛乞食野人處也僖二十八年晉伐衛取之

後仍入衛最後復入于晉哀元年齊衛救邯鄲午之子稷

于邯鄲圍五鹿四年齊衛救范氏圍五鹿即此

案晉之沙鹿與衛之五鹿及沙三地杜註俱云在元城縣

東且名亦相近穀梁云沙山名林屬于山為鹿杜註云沙

鹿土山也豈五鹿亦沙鹿之旁地而沙亦以山得名歟且

五鹿迭屬晉衛蓋為兩國之接壤而齊衛伐晉首先交兵

之地定七年傳衛侯欲叛晉諸大夫不可乃使北宮結如

齊而私于齊侯曰執結以侵我齊侯從之乃盟于瑱瑱即

沙也齊侯結叛晉公然于晉之近地無所忌憚猶晉悼公

會十二國諸侯于楚之柎地蓋欲張其聲勢以觀其應敵

何如耳是時晉伯極衰政在大夫恬然置不為意而哀元

年及四年齊衛遂屢次連兵以伐五鹿矣觀此則沙與五

鹿之為近地益信

又府治東南為衛馬陵地成七年公會諸侯同盟于馬陵即

此戰國時孫臏射殺龐涓處

魏縣南二十里為衛新築地成二年齊衛戰于新築即此

長垣縣治為衛甯氏之蒲邑桓三年齊侯衛侯胥命于蒲即

此

又縣東北有祭城為祭仲邑又縣西北九十里與河南衛輝

府滑縣接界為衛訾婁地僖十八年邢狄伐衛衛侯師于訾婁即此

又縣西南十五里為衛之匡邑僖十五年諸侯盟于牡邱遂次于匡文八年晉侯使解揚歸匡戚之田于衛論語子畏于匡即此

陝西

西安商州同州乾州鳳翔興安延安平涼鞏昌秦州府為為秦府分為秦府為州為府舊府為府為以秦秦地晉楚屬秦地秦地楚地為白秦地秦地得名臨潼三國晉為縣為接境二國後為狄地為非子始

驪戎之地交兵

之地

晉地

斗入

封之地

獻公

秦界

滅之

尋入

為晉

秦

地不

知何

年入

于秦

西安府

今咸陽縣北五里有畢原係畢公高所封竹書穆王十四年

狄人侵畢後不知何以亡春秋時裔孫畢萬仕晉

臨潼縣東二十里為春秋時驪戎國國語云晉滅驪戎史記

年表稱在獻公之五年實魯莊公之二十二年也其地亦

曰櫟陽史記秦獻公二年徙都櫟陽櫟陽城在臨潼縣北

三十里據此則驪戎地當入于秦又縣竟為秦侯麗地路

史云麗與驪通即驪戎國成十三年晉及諸侯之師伐秦

濟涇及侯麗而還則此時驪戎之地已為秦有距晉滅驪

戎之歲凡九十五年其由晉入秦之年則不可考矣舊以

為晉之櫟邑非也襄十一年秦晉戰于櫟左傳庶長武濟

自輔氏與鮑交伐晉師則櫟當為河以東之地櫟陽去河

絕遠不得牽混

鄠縣為西周豐邑今縣東五里有鄠宮又二十五里有靈囿

囿中有靈臺高二丈周一百二十步僖十五年秦獲晉侯

舍諸靈臺即此

鄠縣東有鄠國左傳所謂畢原鄠郇文之昭也即文王所宅

之鄠邑本崇侯虎國文王克崇而居之故詩云既伐于崇

作邑于鄠武王既遷鎬京封其弟于此竹書成王十九年

巡狩侯甸正百官黜鄠侯蓋絕封久矣宣元年晉趙穿帥

師侵崇杜註秦與國蓋復居鄠而襲崇之舊號者

渭南縣北五十里有下邽城秦武公所置

又涇水自乾州永壽縣來南歷西安府醴泉縣之谷口又東

南過涇陽至高陵縣西南十里合于渭水涇陽有睢城渡

卽諸侯濟涇秦人毒涇上流處又縣西南有麻隧地晉秦戰于麻隧卽此

商州

今州治爲晉之上雒邑及菟和倉野之地哀四年蠻子赤奔晉陰地趙起豐析與狄戎以臨上雒左師軍于菟和右師軍于倉野水經注丹水自倉野東歷菟和山又東至商縣上洛春秋時晉地卽今商州治也今州南百四十里有倉野聚

雒南縣爲楚之商邑文十年傳楚子西爲商公杜註商楚邑今上雒商縣上雒廢城在今商州東九十里古商邑本契所封春秋時屬楚蓋近河南南陽府界盛弘之荊州記武關西北百二十里有商城

又哀四年楚使謂陰地之命大夫曰將通于少習以聽命杜註商縣武關也春秋時武關屬楚在商州東少習山下故亦名少習

同州府

今朝邑縣西二里有故臨晉城爲秦之王城僖十五年晉陰飴甥會秦伯盟于王城二十四年晉文公潛會秦伯于王城是也本芮國地竹書秦穆公二年滅芮築壘以臨晉地故曰臨晉亦曰大荔城史記厲共公十六年壅河旁以兵二萬攻大荔取其王城蓋厲共公在春秋之末地失于戎而秦復取之也今新設府治大荔縣亦以此得名

又縣西北十三里有輔氏城為晉之輔氏地宣十五年秦伐
晉次于輔氏襄十一年庶長武濟自輔氏為晉濱河以西
要地

韓城縣舊為韓梁二國地韓在春秋前為晉文侯所滅後為
桓叔子韓萬食邑僖十五年晉惠公獲于韓即此梁于僖
十九年秦穆公滅之為少梁邑後亦入于晉文十年晉人
取少梁韓在縣東南二十里少梁城在縣南二十里

澄城縣南二十二里為晉北徵邑後入于秦文十年秦伐晉
取北徵即此又縣有泉出匱谷中造酒極美名曰酒泉莊
二十一年王與虢公酒泉杜註周邑由是虢地跨河東西
晉滅虢因有其地

又縣東北二十里為秦之新城邑即梁國之新里秦取之謂
之新城文四年晉侯伐秦圍剗新城即此

白水縣東北六十里與郃陽接界有彭衙古城為秦之彭衙
邑本戎地史記秦武公元年伐彭戲氏至于華山正義云
彭戲即彭衙也後入于晉文二年晉伐秦取汪及彭衙而
還汪亦在白水縣界

郃陽縣東南有剗首坑為秦剗首地與山西蒲州府猗氏縣
接界文七年晉敗秦于令狐至于剗首杜註從剗首去也
鬪駟曰令狐即猗氏其處猶名狐村今猗氏縣西十五里
有令狐城係晉地在河之東與秦之剗首隔河相接

華州為秦棫林襄十四年晉師伐秦至棫林即此舊為宣王

弟友采邑爲畿內咸林地後鄭東徙秦因有之亦曰舊鄭
史記秦武公十一年初縣杜鄭是也時當魯莊公之七年
後嘗屬晉蓋晉獻公取之至僖十五年晉惠公賂秦伯以
河外列城五南至華山卽舊鄭之地自是械林長爲秦有
矣

又州城東北十五里爲晉之武城邑文公八年秦伐晉取武
城卽此一名武平城

華陰縣爲晉之陰晉邑華山在縣南十里高氏曰晉賂秦東
盡虢略南至華山蓋陰晉亦在五城之中矣

案春秋時晉有桃林爲函關而陰晉更在函關西百里楚
有少習爲武關而商邑更在武關西北百二十里俱在今
同州府及華州之境是時秦地蹙狹迫于晉楚南出滅郟
而郟終爲楚有東出襲鄭滅滑而滑適爲晉有扼秦之吭
幾二百年逮孝公據殽函之地惠王兼武關而有之秦遂
虎視以雄列國矣

乾州

今武功縣南有秦終南山左傳作中南昭四年司馬侯曰荆
山中南九州之險杜註在始平武功縣南又涇水自平涼
府涇州來經州及長武邠州涇化永壽之境俱詳見秦山
川

鳳翔府

今府治鳳翔縣城南有故雍城爲秦雍都史記年表秦德公

元年卜居雍後子孫飲馬于河時當春秋莊公之十七年
 後世世都之僖十三年秦輸粟于晉自雍及絳相繼杜註
 雍秦國都是也至戰國初獻公始徙都櫟陽然雍仍為故
 都昭襄王五十四年郊見上帝于雍始皇九年上宿雍橐
 泉斬年櫟陽諸宮俱在故雍都
 岐山縣為周西岐之地幽王末陷于犬戎秦襄公逐戎即有
 其地

寶雞縣東五十里為古小號案西號君隨平王東遷王別封
 之于河南陝縣其支庶之留于雍者謂之小號亦曰桃號
 城秦武公十一年滅之時當春秋莊公之七年

又縣東二十里有故陳倉城為秦文公所築其孫武公增構

徙都之又有陳倉山即文公獲陳寶處其地在汧水之南

命渭水之北所云汧渭之間

秦郿縣西四十六里為秦平陽史記年表秦宣公二年遷平陽

春秋隱公之九年也

興安府

皇輿表以興安州為庸國地文十六年楚人秦人巴人滅庸即

此自是地屬楚蓋接湖廣鄖陽府竹山縣之境

延安府

高氏曰晉文公初伯攘白翟開西河魏得之為河西上郡至

戰國惠王六年魏始納陰晉八年納河西地十年納上郡

十五縣陰晉今華陰縣河西孔氏曰同丹二州丹州今延

安府宜川縣上郡為延安以北案晉地至此疑其太遠然
 惠公于韓之戰已曰寇深矣若之何韓為今韓城縣濱河
 高為秦晉接界無寇深之理而延安府治東去山西黃河界
 數安四百五十里晉之幅員廣遠在惠公時早已至此合之寇
 深之言理當有之

鞏昌府

今伏羌縣為古冀戎地史記秦武公初縣冀戎即此時春秋
 莊公之六年也

秦州

今州西六十里有上邽城為古邽戎邑秦武公初縣邽戎即
 此時春秋莊公之六年又州西百二十里有西縣城為秦
 之先大駱地後莊公復都焉

清水縣西有故秦城為非子始封

江南

江寧 太平 淮安 海州 徐州 安慶 廬州 鳳陽 泗州 潁州 滁州 廣德 徽州
 府全府為揚州為府為府及府屬為吳府屬屬吳州屬寧國
 境皆吳地鎮江魯二宋彭吳楚六安楚中徐二楚為和州吳為池州
 吳地蕪湖常州國地城係界上州為汴入國後吳楚屬楚吳楚三府
 惟六當塗蘇州 宋地蠻夷羣舒魯地徐滅戰爭與太戰爭皆吳
 合縣縣為松江 中有之地地舊徐地于吳地中平府地 地
 屬楚楚所及通 徧陽舊屬屬于鳳陽吳與有胡隔江
 與吳奪與州全 鍾吾楚後楚巢縣為中國國又相對

分界吳分境皆	二國屬吳縣為楚鍾諸侯斗入為吳
為戰界為吳地	後偏楚巢離壽交接宋地楚戰
爭地戰爭	邑吳州為結盟中爭地
宋鍾	爭七楚州抗楚
吾入	十年來吳多于
吳又	而後爭七此
錯入	得此十年
楚地	而後
	得此

江寧府 西晉姑蘇縣 吳王夫差 吳王夫差 吳王夫差

寰宇記六合縣為古之棠邑襄十四年楚子囊師于棠以伐

吳即此後伍奢長子棠公尚為棠邑大夫

太平府

襄三年子重克鳩茲至于衡山鳩茲城在今太平府蕪湖縣

東三十里衡山當塗縣東北六十里有橫山橫與衡通今

自長江東下先蕪湖當塗而後至六合六合為楚棠邑觀

襄十四年子囊師于棠以伐吳則三縣之終為楚地可知

矣

又府隔江相對為和州係楚地昭十七年長岸之戰獲吳乘

舟餘皇其地在今太平府西南三十里和州南七十里號

曰天門山則楚地已軼入太平府界

常州府

皇壽經解續編 春秋大事表六中

今無錫縣東南三十里有泰伯城地曰梅李鄉乃泰伯始逃
荆蠻所居處闔廬以上皆都之詳都邑

府治武進縣為春秋時延陵邑吳季札所封詳都邑十里

蘇州府蘇州府屬武進縣

今府城為闔閭所都因城西三十里姑蘇山為名城西十里

有虎邱即闔閭墓府西南八十五里有西洞庭山一名包

山春秋時所云夫椒也哀元年吳王夫差敗越處

通典蘇州理吳長洲二縣春秋吳國之都其南百四十里與

越分境吳伐越越禦之于檣李則今嘉興縣之地

鎮江府

今府治丹徒縣為吳朱方邑襄二十八年齊慶封奔吳吳句

餘與之朱方即此詳都邑

揚州府淮安府揚州府屬淮安府

哀九年吳城邗溝通江淮即今之漕河起于揚州府城東南

二里歷邵伯湖高郵湖寶應湖北至黃浦接淮

其合淮處為末口在淮安府城北五里今為新城之北水

關自江達淮南北長二百餘里

又哀十三年晉侯及吳子會于黃池杜註封邱縣南有黃亭

近濟水國語云吳王夫差起師北征闕為深溝于商魯之

閒北屬之沂西屬之濟以會晉公午于黃池沂水入泗濟

水在封邱縣南蓋既溝通江淮遂率舟師自淮入泗自泗

入沂復穿魯宋之境連屬水道有不通者鑿而通之以達

于封邱之濟卽杜氏所云近濟水也其道極回遠由今考城過杞縣北境歷蘭陽而至于封邱

案吳城邗溝自揚州至淮安三百里闕深溝于宋魯接界自河南歸德府考城至開封府之封邱又四百里今日之漕河夫差時已及其半連屬江淮沂濟卽今日治漕借山東汶沂諸水之法

通州

哀十二年公會衛侯宋皇瑗于鄆左傳衛侯會吳于鄆公及衛侯宋皇瑗盟而卒辭吳盟杜註鄆發陽也廣陵海陵縣東南有發繇口高氏曰發陽无可考今通州如臯縣亦晉海陵地縣南十里有會盟原相傳爲吳楚會盟處考春秋

吳楚始終無會盟事意必指此

海州

皇輿表以海州爲魯地

左傳成九年城中城杜註在東海廩邱縣西南廩邱是厚邱之譌後漢志東海郡厚邱縣註引此傳文爲證云縣西南有中鄉城今海州之沭陽縣也魯之南境至是止又一說中城爲魯之內城諸儒多從其說

又莒紀鄆城在海州贛榆縣北七十五里昭十九年齊高發伐莒莒子奔紀鄆杜註莒邑東海贛榆縣東北有紀城是也後漢志贛榆縣引此傳文爲證今山東沂州府莒州與贛榆縣接界

徐州府

今新設府治銅山縣爲宋彭城邑成十八年楚子伐宋宋魚石復入于彭城西鉏吾曰今將崇諸侯之姦而披其地以塞夷庚杜註夷庚晉吳往來之要道蓋吳晉往來必由彭城故杜云然

沛縣爲春秋時偃陽國與山東兗州府嶧縣南接界襄十年晉悼公滅之以與宋通吳晉往來之道又楚祖地亦在沛縣境是年會吳于祖遂滅偃陽是也

蕭縣爲宋附庸蕭國宋以封蕭叔大心宣十二年楚莊滅之後仍爲宋邑定十一年宋公之弟辰入于蕭以叛是也又成十八年楚子辛鄭皇辰侵城郟取幽邱杜註皆宋地在

今徐州府蕭縣界

碭山縣爲楚之麻邑昭四年吳伐楚取棘櫟麻魏收志碭郡安陽縣治麻城彙纂曰碭山縣有安陽城卽故麻城也以楚之東鄙言之近是

邳州北六十里有良城爲吳良地昭十三年晉侯會吳子于良水道不可吳子辭正義云吳地水行故以水路不通辭此時吳未溝通江淮故也

宿遷縣西南有司吾城應劭曰古鍾吾國也昭二十七年吳公子燭庸奔鍾吾三十年爲吳闔閭所滅縣志以爲隱元

安陽年宋人遷宿于此因謂之宿遷非也宿遷本名宿豫晉元帝督運軍儲于此立邸閣因名安帝遂立宿豫縣唐寶應

初避代宗諱改爲宿遷與宿國無與

安慶府

今桐城縣爲春秋時桐國楚附庸也定二年桐叛楚吳子使

舒鳩氏誘敗楚人漢朱邑爲桐鄉令謂子孫死必葬我桐

鄉卽此

案安慶亦春秋時羣舒地潛山縣爲古舒州宋封王安石

在爲舒王今潛山有安石讀書臺嘗質諸桐城劉畊南畊南

云詩云荆舒是懲荆以東卽爲舒地蓋舒之種類甚多今

皖城連接廬州府之廬江舒城二縣皆是居吳楚之界迭

爲向背是時吳強楚弱故桐叛楚春秋傳所謂蠻夷屬于

楚者吳盡取之是也

又大江東流自湖廣黃州府之廣濟縣黃梅縣流入江南安

慶府之宿松縣界南岸爲江西九江府之德化縣楚地止

此則安慶一府自宿松以東皆爲吳地矣故江南之安慶

江西之南康九江皆謂之吳頭楚尾

廬州府及六安州

羣舒及宗國俱在今廬江舒城二縣境文十二年羣舒叛楚

子孔執舒子平及宗子遂圍巢蓋宗巢二國皆羣舒之屬

也英氏在六安州西六在六安州北諸國皆臯陶之後介

崇在蠻夷成七年傳吳始伐楚伐巢伐徐蠻夷屬于楚者吳

盡取之蓋指廬州及安慶二府之境統前後而言之也

襄十三年庸浦之戰在今廬州府無爲州昭五年鵠岸之戰

在今廬州舒城縣西北杜註廬江舒縣有鵲尾渚是也昭

二十七年吳師圍潛潛在今六安州霍山縣東北三十里

案春秋傳楚滅舒蓼舒庸舒鳩及宗四國杜皆不能明其處

但云廬江南有舒城及龍舒城約略四國所居在此兩城

之間舒城卽今舒城縣龍舒城在今廬江縣

巢縣東北五里有故巢城爲春秋時楚之巢邑按巢本古國

楚滅之爲邊邑昭四年楚滅巢五年使沈尹射待命于巢

至二十四年平王爲舟師以略吳疆吳人踵楚而邊人不

備遂滅巢及鍾離

巢縣西北六十里有柘臯鎮俗名會吳城爲吳橐臯地哀十

又六年公會吳于橐臯杜註在淮南遠適縣東南遠適故城

在今府治合肥縣東與巢縣相接

又無爲州境有楚駕釐二邑廬江縣境有楚虺邑成十七年

吳人圍巢伐駕取釐虺杜註巢駕釐虺楚四邑

鳳陽府

壽州爲楚之州來案州來本小國後屬于楚自成七年吳始

爭州來至昭二十三年雞父之戰楚師大奔州來遂爲吳

地以封季札號延州來季子哀二年遷蔡于此更謂之下

蔡戰國時爲楚地考烈王遷都壽春在淮之南下蔡城在

淮之北相距三十里二城對據翼蔽淮濱宋時謂之南北

壽春定四年吳入郢舍舟淮汭自豫章與楚夾漢淮汭卽

州來蓋吳旣得州來卽屯宿重兵爲歸計故留舟船于此

楚司馬戌曰我悉方城外以毀其舟亦知吳爲必死之計
欲用大眾以爭之以絕吳師之後也雞父在壽州西南
府治鳳陽縣爲楚之鍾離按鍾離本小國屬于楚昭四年楚
始患吳使箴尹宜咎城鍾離蒞啟疆城巢然丹城州來皆
沿淮要害處蓋楚師從大江東下吳人仰攻不能敵楚故
其侵擾楚疆多從淮右北道鳳陽以西壽霍光固之間皆
近淮壩築此三城以斷其北來之路而吳亦置楚南道之
師于不問克鳩茲克朱方逼近吳都吳之報楚則取駕取
棘櫟麻日爭鬪于廬之無爲及碭山汝寧之境蓋舍水從
陸以避楚長江直下之險至昭二十三年吳滅州來三十
四年滅鍾離及巢淮之藩籬盡撤而吳遂長驅以入郢矣
懷遠縣東北四十五里有向城爲春秋時向國隱二年莒人
入向卽此又宣四年公伐莒取向此在今山東兗州府嶧
縣境係兩地

虹縣北有蒲姑陂爲徐蒲隧地昭十六年齊師伐徐至于蒲
今隧卽此又縣東北有婁亭爲徐婁林地僖十五年楚人敗
徐于婁林卽此徐國在徐僮開僮縣故城在今虹縣境

泗州

今州北八十里有古城與鳳陽府虹縣接境相傳爲徐偃王
築括地志徐城縣西四十里有大徐城卽古徐國也隋時
屬泗州昭三十年冬吳闔閭伐徐防山而水之遂滅徐蓋

洪決泗水也

是壽經界實編

春秋大事表六中

七

盱眙縣爲吳善道地襄五年晉悼公欲通吳先使魯衛會吳
于此告以會期南兗州記盱眙本吳善道地秦置盱眙縣
許慎曰張目爲盱舉目爲眙城居山上可以矚遠因名
又襄王年晉會諸侯于雞澤使荀會逆吳子于淮上吳子不
至淮上亦在臨淮泗州之境

潁州府

今蒙城縣界有吳房鍾地昭六年楚令尹子蕩伐吳吳敗之
于房鍾卽此縣北有楚瑕地成十六年鄢陵之戰楚師還
及瑕卽此

潁水入淮處謂之潁尾爲楚地昭十二年楚子狩于州來次
于潁尾在今潁州府潁上縣與壽州接界

亳州東南有乾谿爲楚地昭十二年楚遣兵圍徐以懼吳楚

又子次于乾谿以爲之援明年就弑卽此

又州東南七十里有城父城本陳夷地後爲楚邑僖二十三
年楚伐陳取焦夷杜註夷一名城父昭九年楚公子棄疾
遷許于夷實城父卽此

霍山縣西南八里有窮水昭二十七年楚左司馬沈尹戌與

吳師遇于窮令尹子常以舟師及沙汭而還水經注淮水
又東窮水入焉出安豐縣窮谷春秋吳救濬沈尹戌與吳
師遇于窮谷是也沙汭水名其合淮之處謂之沙汭在今

又霍邱縣境詳見山川

又縣東有楚瑱地昭五年楚伐吳越大夫常壽過帥師會楚

又子于瑣卽此城... 又縣西南八十里有雩婁城為楚雩婁地淮南子孫叔敖決

期思之陂灌雩婁之野期思陂卽芍陂在河南光州固始縣境與霍邱縣接壤襄二十六年楚子秦人侵吳及雩婁

昭五年楚使遠啟疆待命于雩婁卽此而雩水潯於雩水新設府治阜陽縣為春秋時胡國昭四年楚靈王合十三國

于申伐吳胡國與焉及吳入郢胡子盡俘楚邑之近胡者定十五年楚滅胡蓋潁于此時已盡屬楚地胡僅存至是

亦滅... 又潁上縣西北有慎城為楚慎邑哀十六年吳人伐慎白公敗之杜註汝陰慎縣是也漢置慎縣至劉宋初改置慎縣

于合肥縣境此城遂廢... 太和縣西有原鹿城為宋鹿土地僖二十一年宋襄公為鹿

上之盟以求諸侯于楚杜註鹿上宋地汝南有原鹿縣是也

和州... 昭十七年吳伐楚楚下戰不吉司馬子魚曰我得上流何故

不吉戰于長岸大敗吳師獲其乘舟餘皇杜註長岸楚地今今太平府西南三十里有西梁山與和州南七十里之東

廣德州... 梁山夾江相對如門之闕郡國志云楚獲乘舟餘皇處

今州西北二十五里有桐水匯于丹陽湖入大江哀十五年

今楚伐吳及桐汭杜註宣城廣德縣西南有桐水是也詳見
靈壽山川

靈國府

今府境有吳頰黃地哀十六年楚白公之亂王孫燕奔頰黃

氏杜註吳地卽此

池州府

今銅陵縣北十里有鵲頭山高聳臨江太平府繁昌縣西南

大江中有鵲尾洲春秋時所云鵲岸也昭五年楚伐吳聞

吳師出遠啟疆帥師從之吳人敗諸鵲岸杜註廬江舒縣

大有鵲尾渚高氏曰杜註所云蓋謂今廬州府舒城縣西北

之鵲亭然遠射自夏汭出遠啟疆別從江道不應在內地

杜佑曰南陵大江中有鵲尾洲卽古鵲岸也此說可通今

池州府銅陵縣卽南陵縣地所分與太平府繁昌縣相連

自古常爲戰爭之地

徽州府

皇輿表以爲吳地然于經傳無所見據史記年表吳闔閭十一

年伐楚取番實當魯定公之六年番爲江西饒州府治之

鄱陽縣由吳取番路須經浙江之嘉興府杭州府嚴州府

江南之徽州府而後至江西之饒則嚴徽二府之爲吳地

信矣

通典歙州理歙縣春秋時屬吳

浙江

春秋大事表六中

限謂杭竟為越地者亦非也或當增封越地後則杭嚴俱當屬越耳

近者嘉興府志云禾郡地名其見于春秋國語越絕諸書者曰槁李曰禦兒曰平原三者而已皆在嘉興一府之地蓋自吳越兵爭三江播蕩地荒而不治民徙而失業數百里之間靡然榛莽可見春秋當日嘉興實為吳越分界所以戰爭多在夫椒笠澤唐人詩所云到江吳地盡隔岸越山多謂杭州尚屬吳地者非也蓋不獨兩國兵爭蕩為墟莽其實杭湖二府春秋時尚未開闢自越之會稽至吳之槁李三四百里曠無人居不在版圖之內杭近海自唐以前尚不宜稼穡李鄴侯為刺史開西湖為六井以溉田民始

樂業況春秋當日乎余向著論謂杭州為吳越兩國之甌脫因閱嘉興府志而復附識于此
大凡割據兵爭之世兩國俱各遠斥堠以自保所以中間多棄地不止春秋時吳越也魏曹操與吳分境欲徙淮南民而江淮閒十餘萬眾皆驚走入吳其地遂空今淮安府之淮陰射陽鹽瀆三縣及揚州府所屬諸縣凡四五百里之地三國時俱廢不立至晉平吳混一太康元二兩年復置郡縣曹孫分境時且然足知春秋時之吳越矣
富陽縣本為富春春秋時屬越西境
海寧縣春秋時地介吳越閒彼此分屬
餘杭縣春秋時屬吳越二國

嘉興府

今府治嘉興縣南四十五里爲吳槁李地定十四年於越敗

吳于槁李杜註吳郡嘉興縣南醉李城是也案吳越春秋

吳王夫差增越封西至于槁李然則與闔閭戰時越境猶

未能至此槁李當爲吳地矣

嘉禾百詠注有東顧城西新城南于城北主城四城並吳越

爭戰時所築後俱廢今嘉興縣西二十七里有市曰新城

稅務亦曰新城土人呼曰新市當往來大道卽西新城之

遺蹟矣

石門縣東二十里有石門鎮爲越之禦兒地國語越地北至

于禦兒是也吳人累石爲門以距越卽其處蓋吳越分界

矣

嘉禾志有管城何城晏城萱城吳王築四城以禦越管城

屬鹽官今爲海鹽縣其三城在今石門縣境

高氏曰句踐初歸越吳封以百里之地東至炭瀆西至周

宗南造于山北薄于海葢不得有浙西之地也後又增其

封東至于句甫西至于槁李南至于姑末北至于平原越

絕書作武原卽今海鹽縣時海鹽與海鹽尙未析縣也縱

橫八百餘里據此則嘉興全境吳皆棄之以予越而杭州

二府其爲越地可知矣厥後吳越戰爭常在太湖近吳國

都之側豈非以杭州已屬越無藩籬之限耶

海鹽縣治爲春秋時馬皞城亦曰吳禦越城越絕書吳伐越

道逢大風匹馬啼嗥因名宋武原志晉咸康七年移縣治于此唐并省開元五年復于舊海鹽縣吳禦越城西北置縣今不改

湖州府

通典春秋時屬吳領長城縣有木山若溪吳王闔閭使弟夫概居此築城狹而長因名吳越當梁時避梁諱改為長興

縣

鹽波府

通典句踐平吳遷夫差于甬東卽句章在鄞縣西今府治鄞縣國語越地東至于鄞卽此

定海縣故海中洲爲越甬東地一名句章哀二十二年越使

吳王居甬東杜註句章縣東海中洲是也句章故城在今

慈谿縣西南三十五里海中洲卽舟山爲壘八十有三五

穀魚鹽之饒可供數萬人

本朝康熙二十六年設定海縣其地在故定海縣之東北故定

海縣乃錢氏所置

本朝改爲鎮海縣亦秦句章縣地

紹興府

今府治山陰縣南十二里有越王城爲無餘故城史記少康

封庶子無餘于會稽以守禹祀號于越杜註越國今會稽

郡治山陰縣也越世世都此

諸暨縣

皇輿表以爲越王允常所都

台州府

通典春秋時屬越理臨海縣

金華府

通典婺州春秋時屬越理金華縣

衢州府

今龍游縣穀溪之南有姑蔑故城爲越姑蔑地國語越地西

至于姑蔑卽此哀十三年越伐吳王孫彌庸見姑蔑之旗

杜註姑蔑東陽大末縣錢氏改爲龍游

嚴州府


通典睦州春秋時屬吳理建德縣

溫州府

通典春秋時屬越理永嘉縣

處州府

通典春秋時屬越理括蒼縣




皇清經解續編卷七十六終

平湖何錫驊校
桐城劉峻

皇清經解續編

春秋大事表六中

完



皇清經解續編卷七十七

南菁書院

春秋大事表六

列國地形犬牙相錯

無錫顧棟高復初著

江西

南昌饒州南康九江廣信建昌撫州臨江吉安瑞州袁州贛州南安

府為府為府為府為府為府為府為府為府為府

楚地吳楚吳楚吳楚楚越吳地皇輿吳地皇輿吳地皇輿皇輿

越三分界分界皇輿表以皇輿表以皇輿表以表以表以

國分之地之地表及為吳表及為吳表及為吳為吳為吳

界之通志通志地通通志地通通志地通通地通

地以為並同志以並同志為並同志以志以志闕

楚地為百百越為吳為百

越地 地 楚地越地

南昌府

皇輿表以南昌為吳之豫章地非也春秋時豫章未嘗屬吳且

南昌亦並非豫章地按定四年吳人郢傳吳舍舟淮汭自

豫章與楚夾漢以為吳地據此今考闔閩之十一年為定

楚莊公之六年在入郢之後吳始伐楚取番番為今饒州府治

鄱陽縣在鄱陽湖之東南昌在鄱陽湖之西相去三四百

里入郢時吳尚未得鄱陽豈能越饒南九三府而先取南

昌之地耶左傳豫章凡六見其地極廣均非今日之南昌

蓋秦得楚地置九江郡漢武帝分九江郡之西置豫章郡

是取春秋舊地以名之而不知其道里差池貿易如此如

春秋時夔國本在湖廣歸州夔即歸而今四川之夔州府

乃遙取夔國為名南昌之為豫章亦猶此通典斷為楚地

較是

今寧州西一百里龍平岡有古艾城哀二十年吳公子慶忌

出居于艾杜註吳邑豫章有艾縣一名潁水水經注潁水

出豫章艾縣桓山西南吳公子慶忌諫夫差不納居于艾

是也案杜註及水經注所云豫章俱據漢豫章郡

饒州府

今府治鄱陽縣為楚之東境昭王時吳伐楚取番為吳地漢

置鄱陽縣屬豫章郡

餘干縣為越之西境漢置餘干縣寰宇記餘干縣西南有于

越渡漢淮南王安獻議曰越人欲為變必先田餘汗界中

蓋今餘干縣以東皆越地矣通志云餘水在餘干縣南會

今縣之西南諸溪餘水一名三餘水或曰吳楚越之餘水也

廣信府

通志秦為番縣地漢為餘汗地又弋陽貴溪二縣即餘干縣

之所分

哀十九年越人侵楚以誤吳夏楚公子慶公子寬追越師至

今冥不及而還冥地自杜註至春秋地名考俱不詳何所意

當在饒州至廣信之境蓋是時吳方強盛舍此無楚越相

接之地

南康府

今府治星子縣及都昌縣俱浸大湖鄱陽湖實吳楚所共方

輿勝覽南康軍春秋時吳楚之地

九江府

通典江州理尋陽縣春秋時屬楚即今九江府治之德化縣

今也

四川

重慶

府為

春秋

時巴

國地

夔州

府舊

為春

秋時

庸國

之魚	邑楚	滅庸	因有	其地
----	----	----	----	----

重慶府

今府治巴縣為古江州巴子所都巴蓋古國從周武王伐殷
 善歌前歌後舞而入因封其宗姬于巴爵之以子桓九年
 巴人使韓服告于楚杜註在巴郡江州縣江水逕其城南
 三折如巴字因名封境極遠東至魚復西至夔道北至漢
 中南至黔涪地當秦楚之交文十六年從楚人秦人滅庸
 始見經戰國時稱王為秦所滅

夔州府

今府治奉節縣為庸國魚邑文十六年楚侵庸與庸遇裨僚
 魚人逐之杜註魚庸邑漢置魚復縣屬巴郡公孫述號曰
 白帝城先主改為永安唐改夔州其地在湖廣歸州之西
 歸州為春秋時夔子國夔既滅其地為歸鄉宋忠曰歸即
 夔今為夔州府蓋遙取夔國為名

已上凡八省皆列春秋各國地形相錯處自魯衛鄭宋至
 畸零小國以及晉地之闌入直隸陝西河南山東楚地之
 闌入江南江西河南陝西及四川者勞如亂絲錯如列宿
 靡不詳考縷載若乃山西全為晉地湖北全為楚地而以

前併吞諸國學者亦多不詳其處又二國都屢遷而名仍相襲如晉再遷而皆名曰絳楚三遷而皆名曰郢又晉有二瑕楚丹陽在歸州尤易蒙混今仍以今之州府列之詳其道里別其異同庶若網在綱犁然易見云乾隆五年庚申三月上浣復初氏又識

山西

太原平定平陽蒲州解州絳州吉州隰州潞安汾州澤州沁州府太州壽府翼府臨平陸聞喜舊為舊為府潞府舊府沁為晉原縣陽縣城縣晉縣縣舊縣為狄地狄地城縣為蓐水縣銅鞮為叔為晉為荀為虞晉曲後入後入舊為黃沈為晉邑州虞始馬首故絳國地國地沃河晉為晉為赤狄熒諸黑壤東有

封之邑

邑一晉滅兼有津縣北屈蒲邑潞氏國地地一晉斷

晉陽

名翼之為號之為冀邑晉晉公地屯平遙名黃道地

祁縣

曲沃荀氏下陽國地公子子重留縣縣為父

為晉

縣為邑猗邑又入晉夷吾耳所為留晉中

祁奚

晉新氏縣為晉為冀所居居又吁地都介

邑府

田景為晉茅津芮邑又有永和黎城休縣

治陽

公遷令狐河之縣南采桑縣為縣為為晉

曲縣

都于又州南接為耿津晉晉樓黎國綿上

為晉

此亦東南陝州國地里克邑趙地後縣東

孟邑

謂之五里界芮晉滅敗狄嬰齊俱入北有

榆次

絳霍有河城縣之以處為樓晉府晉鄔

縣為

州為曲地為魏賜趙

嬰齊治長邑

晉塗

霍國與秦國地夙又

治縣

水邑

地晉以河晉滅州境

為晉

清源

滅之為界之以為賈

壺口

縣為

為先 賜畢國地

邑長

晉梗

且居 萬為大晉

子縣

陽邑

邑府 為賈

為晉

文水

治臨 季邑

長子

縣為

汾縣 垣曲

邑

晉平

為晉 縣為

陵邑

高梁 東山

大谷

又為 阜落

縣為

晉平 氏地

晉陽

陽邑

處父

淇洞

邑

縣為

楊國

地入

晉為

楊氏

邑二

縣皆

羊舌

地

太原府

今太原縣為古唐國本堯之後裔周成王滅唐以封叔虞分

徙舊唐之子孫于許郟之間春秋唐惠侯是其後在今湖

廣隨州西北八十五里叔虞受封因仍其國號曰唐至叔

虞子燹侯始改唐號曰晉

祁縣東南八里有古祁城志以為晉祁奚邑縣以近祁藪而

得名即爾雅所謂昭餘祁也

府治陽曲縣東北八十里有大孟城為祁氏之孟邑昭二十

八年魏獻子為政分祁氏之田以為七縣孟丙為孟大夫

榆次縣有涂水鄉為晉祁氏之塗水邑魏獻子以知徐吾為

塗水大夫又縣西北為晉魏榆邑昭八年石言于晉魏榆

即此

清源縣為祁氏之梗陽邑魏獻子以魏戍為梗陽大夫

文水縣東北二十里有大陵城為祁氏之平陵邑魏獻子以

司馬烏為平陵大夫

大谷縣東南十五里有漢陽邑縣為晉陽處父邑又縣東三

十五里有箕城僖三十三年晉人敗狄于箕即此

平定州

今壽陽縣東南十五里有馬首村為祁氏之馬首邑魏獻子

平陽府

今以韓固為馬首大夫

今翼城縣治東南十五里有古翼城為晉穆侯所徙之絳莊
大二十六年獻公城絳以深其宮即此一名翼詩譜云穆侯
遷都于絳孝侯改絳為翼獻公又北廣其城方二里命之
文曰絳則翼與絳為一地成六年景公遷新田仍謂之絳因
更名翼為故絳

曲沃縣治西南二里為晉新田成六年景公遷都于此亦謂
之絳自此以後傳文所書絳皆新田之絳矣又縣西三十
五里有汾水縣南五里有澮水所謂有汾澮以流其惡澮
水一名少水

又縣西三十里有汾水為晉汾隰地桓三年曲沃武公伐翼
次于陘庭逐翼侯于汾隰獲之即此

府治臨汾縣東北三十七里有高粱城為晉高粱地僖二十
四年晉公子重耳入國使殺懷公于高粱即此

又府城西北有狐谷亭孔氏以為即晉之狐廚邑僖十六年
狄侵晉取狐廚受鐸涉汾及昆吾蓋府城西二里即逼汾
水是時狄自西來薄平陽境狐廚受鐸在汾之西而昆吾
則在汾東故涉汾而後及昆吾也

又府治東為晉平陽邑故堯都春秋時係羊舌氏邑昭二十
八年魏獻子分羊舌氏之田以為三縣謂平陽楊氏及銅
鞮也趙朝為平陽大夫即此

洪洞縣東南十八里有古楊城舊為楊侯國應劭曰伯僑自
晉歸周封于楊晉滅楊以賜羊舌肸為楊氏邑襄二十九
年傳女叔齊謂虞虢焦滑霍楊韓魏皆姬姓而晉滅之是
也魏獻子分其地以僚安為楊氏大夫

霍州西十六里有古霍城舊為霍叔處封國閔元年晉獻公
滅之後為先且居封邑一名霍人襄十年晉悼公滅偃陽
使周內史選其族嗣納諸霍人霍名霍人猶直伯柄之後
為直人也

又州西三里有呂鄉州西南十里有呂城蓋皆以呂飴甥所
居得名後以賜魏錡故復有呂錡呂相之稱

蒲州府

今臨晉縣東北十五里有郇城舊為郇國文王子所封左傳
所謂畢原酆郇詩所謂郇伯勞之者也亦曰荀桓九年荀
侯賈伯伐曲沃汲郡古文晉武公滅荀以賜大夫原氏黯
是為荀叔成六年晉人謀去故絳諸大夫皆曰必居郇瑕
氏之地即此

案郇城亦曰瑕城本一地故左氏連屬言之此所謂河北
之瑕也僖三十年燭之武曰許君焦瑕朝濟而夕設版焉
則在河之南杜註焦瑕晉河外五城之二邑今河南陝州
南二里有焦城陝州西南三十二里有曲沃城曲沃即瑕
也文十三年晉人使詹嘉處瑕以守桃林之塞崔浩以為
詹嘉處此備秦以曲沃之官守之故謂瑕為曲沃桃林為

今潼關然則瑕非河北之瑕曲沃亦非桓叔所封之曲沃也戰國策每以焦曲沃並稱如左氏之言焦瑕蓋曲沃即瑕之明證文十二年秦師夜遁復侵晉入瑕高江村以爲秦已渡河而西必不能復深入東渡其爲河外甚明駁辨可謂精且審矣

又縣東南十八里有解城爲晉解梁邑惠公賂秦以河外列城五內及解梁城卽此

又縣東南有曰衰城東南十八里有桑泉城僖二十四年晉公子濟河圍令狐入桑泉取曰衰卽此

猗氏縣西十五里有令狐城西北有盧柳城僖二十四年晉師軍于盧柳退軍于郇郇在臨晉蓋與猗氏接壤也文七年晉敗秦師于令狐至于刳首通典陝西同州郃陽縣有刳首水在河之西士會于此奔秦猗氏縣爲秦晉通衢與秦以河爲界

又縣南二里有王官故城爲晉王官邑文三年秦伯伐晉取王官及郊郊亦平陽臨晉閒小邑裴駟注史記以王官在陝西澄城縣非也本傳上云濟河焚舟下云自茅津濟所取之地在河之東無疑高氏辨之審矣

又縣南二十里有鹽池左傳謂之鹽成六年晉謀去故絳皆曰必居郇瑕氏之地沃饒而近鹽杜註鹽鹽也猗氏縣鹽池是也宋志引池而化者周官所謂鹽鹽煮海煮井煮鹹而成者周官所謂散鹽

府治永濟縣東南五里有蒲坂城爲晉河曲文十二年晉人秦人戰于河曲杜註在河東蒲阪縣南是也僖二十四年子犯從重耳反國及河以璧授公子請亡卽其處又是年濟河圍令狐文三年秦伯伐晉濟河焚舟文十三年晉魏壽餘誘士會秦伯師于河西魏人在東旣濟魏人譟而還皆其地也蓋此爲秦晉東西往來渡河通道故凡濟皆不言其地名他如自茅津濟自南河濟則兵行詭道故特舉以見之左傳文法如此其地在今華陰縣潼關以東河水自此折而東故謂之河曲爲秦晉交界之地

又府治南三十六里有羈馬城爲晉羈馬邑文十二年秦伐晉取羈馬卽此在河之東杜佑以爲在陝西郃陽縣非是

又府治東南有首山卽首陽山靈輒餓處

又府治東北二十八里有涑水城卽秦所伐之涑川

解州

今平陸縣東北六十里有古虞城爲春秋時虞國武王封周章弟虞仲于此又縣東北五十里爲虞顛輪阪東北二十五里爲虞鄆邑東五十里有砥柱山山有三門僖二年晉假道于虞曰冀爲不道入自顛輪伐鄆三門卽此

又縣東五十里有大陽城大陽東北三十里爲虢下陽城其地有虞阪之險晉欲伐虢慮虞人要而擊之攻虞則虢又救之蓋虞虢之門戶滅下陽而兩國皆失其險

又縣西爲晉茅津亦曰大陽津以在大河之北也河之南爲

陝州乃黃河津濟處大國故以爲大河之北出河之南
芮城縣北五里爲春秋時魏國閔元年晉滅之以賜畢萬爲
魏氏文十三年使魏壽餘僞以魏叛者以誘士會秦伯師
又于河西魏人在東既濟魏人譟而還蓋魏地逼河與秦以
河爲界詩譜云南枕河曲北涉汾水是也
又解州鹽池東有苦成故城爲晉卻犇邑謂之苦成叔
安邑縣東南有中條山又縣北三十里有鳴條岡爲晉條邑
今桓二年傳晉穆侯以條之役生太子當係此地孟子曰舜
卒于鳴條卽此舊以爲在直隸河開府景州漢周亞夫所
又封晉在春秋前其地不宜至此當誤

絳州

今聞喜縣東二十里爲桓叔所封之曲沃歷莊伯武公國之
三世凡六十七歲滅晉後仍爲別都一名下國有武公之
廟在焉凡外來公子入立及君薨而殯皆于曲沃武公之
廟重耳及成公悼公卽位皆朝于武宮文公卒殯于曲沃
是也曲沃距翼城縣之故絳凡二百里正義曰國君五日
而殯文公以巳卯卒明日庚辰柩卽出絳蓋以曲沃路遠
詳見都邑
又縣東北三十五里有董氏陂產楊柳可爲箭卽所謂董澤
之蒲也

河津縣東有冀亭舊爲冀國地杜註冀國并于虞虞亡歸晉
晉惠公以與卻芮爲食邑芮被誅邑復入晉後其子卻缺

獲白狄子有功復與之冀晉人晉與其子將地
又縣南十二里有古耿城為春秋時耿國地閔元年晉滅之
以賜趙夙為邑

絳州界有賈鄉為春秋時賈國地桓九年荀侯賈伯伐曲沃
後不知何年滅之以賜狐偃子狐射姑為邑

垣曲縣西北六十里有臯落鎮為東山臯落氏國閔二年晉

侯使太子申生伐東山臯落氏杜註赤狄別種又縣東南

有陽壺城南臨大河為晉瓠邱地襄元年晉悼公以宋五

大夫在彭城者寘諸瓠邱杜註在河東垣縣東南又縣東

有邵亭為晉之鄆邵邑一名鄆文六年趙孟殺公子樂于

鄆襄二十三年齊侯伐晉成鄆邵杜註取晉邑而成之蓋

三名為通稱矣

稷山縣西北二十里為晉清原地一名清儋二十一年晉蒐

于清原作五軍以禦狄宣十三年赤狄伐晉及清成十八

年悼公入國大夫逆于清原皆此地其東而轉之也

吉州

今州治東北二十一里有北屈廢縣為晉北屈邑莊二十八

年晉獻公使夷吾屈又晉有屈產之乘案傳二五言于

公曰狄之廣莫于晉為都知蒲屈向日皆狄地矣

又州西有晉采桑津僖八年晉里克敗狄于采桑即此對

隰州

今州治北四十五里有蒲陽故城在蒲水之北即重耳所居

今之蒲邑又州境有晉交剛地成十二年晉人敗狄于交剛
即此

永和縣南十里有樓山城為晉趙嬰齊食邑左傳謂之樓嬰
潞安府曰

今潞城縣東北四十里有古潞城為赤狄潞氏國都按潞氏
今國為最大封境極廣國都在潞安據晉之腹心而其邊邑

皆州則在今直隸廣平府之曲梁延表二省宣十五年傳荀林
父敗赤狄于曲梁遂滅潞蓋師反出其東而轉攻之所以

絕其奔逸滅潞之歲秦師東來晉侯別遣魏顆以偏師禦
野之而身留治兵于稷以略狄土其用力亦勤矣明年又遣

士會滅甲氏留吁鐸辰以盡其餘黨留吁鐸辰俱在今潞
安府境甲氏在今廣平府之雞澤縣自此以後晉勢益強

而六卿亦漸跋扈
黎城縣東北十八里有黎侯城為春秋時黎國後屬晉杜註

上黨壺關縣有黎亭今壺關縣亦接壤
屯留縣為留吁地晉滅之為純留邑亦曰余吾襄十八年晉

執孫蒯于純留即此今縣東南十里有純留城
長子縣為晉長子邑襄十八年晉執衛行人石買于長子即

此
府治長治縣為晉壺口邑哀四年齊國夏伐晉取壺口杜註

潞縣有壺口關舊志關在府城東南十三里延表百餘里
山形險狹形如壺口因名

汾州府

今平遙縣西十二里西南接介休縣界有中都古城為晉中

都邑昭二年晉人執陳無字于中都即此

介休縣東南二十五里有介山以介之推得名一名綿山僖

公二十四年晉侯求之不獲以綿土為之田即此又縣東有

隨城隱五年翼侯奔隨又士會食邑于隨即此

又縣東北二十七里為晉祁氏之鄆邑昭二十八年魏獻子

分其地以司馬彌牟為鄆大夫

石樓縣南有龍泉山接隰州界多產名駒左傳所謂屈產之

乘也

澤州府

今沁水縣西北四十里有平陽府翼城縣接界有黑壤山宣

七年會于黑壤即此左傳謂之黃父文十七年晉侯蒐于

黃父杜註即黑壤二名為一地後周宇文泰小字黑獺諱

之改為烏嶺澮水所出

沁州

今州南十里有銅鞮故城為羊舌氏之食邑昭三十八年分

其地以樂霄為銅鞮大夫又為晉離宮子產曰銅鞮之宮

數里羊舌邑在宮旁二十里成九年鄭伯如晉執諸銅鞮

即此

沁州東又有斷梁城吳氏云即春秋晉之斷道地宣十七年同

斷道盟于斷道左傳謂之卷楚杜註卷楚即斷道

湖廣 武昌漢陽安陸襄陽鄖陽德安黃州荊州宜昌長沙

府武府全府舊府宜府舊府舊府舊府治府歸府以

昌縣境皆有權城縣為廩為鄖有弦江陵州為南為

為楚楚地邾二為郡絞庸貳軫國地縣為楚始羣蠻

之鄂大別國邾國後諸國隨唐楚之楚故封之地服

邑熊山在邾那為楚地皆諸國柏舉郢都丹陽屬于

渠封府城處邾都定滅于地皆在麻謂之又有楚

中子東百季載六年楚與滅于城縣紀郢夔國

紅為步小所封遷郢巴秦楚惟東六監利本楚

鄂王別山楚武于都二國隨以十里縣舊熊摯山言

卽此在漢王遷是也接界役屬有州之後

後為川縣權于亦曰于楚國地別封

楚別南十那處鄢郢獨存枝江為夔

都全里大卽此又有楚大縣為在歸

境皆別山全境羅盧隧直楚後州治

楚地下卽皆楚我鄧轅冥徙之東二

漢口地鄧穀匭俱丹陽十里

春秋諸國在今後亦

時謂地皆應山滅于

之夏滅于縣境楚

汭楚與河

南信

陽州

接界

武昌府

今府治江夏縣為古夏口今名漢口與漢陽府治漢陽縣對

禁岸春秋時謂之夏汭昭四年吳伐楚楚沈尹射奔命于夏

汭夏汭為漢水入江之處漢受夏水亦通稱夏江夏之名取此

故武昌縣為楚之鄂都漢屬江夏郡孫權改置武昌縣

漢陽府

府城東南百步有大別山江水逕其南漢水自西北來會之

亦謂之魯山乃漢水入江處與武昌府治江夏縣對岸蓋

江自漢陽府城東武昌府城西而會于漢水今日之漢口

是也

漢川縣南十里有小別山亦名甌山在府治漢陽縣之西北

百七十里定四年楚子常濟漢而陳自小別至于大別乃

吳由西漸東且戰且卻求閒道為歸計孔穎達謂小別當

又在大別之東者誤

安陸府

今當陽縣東南有古權城為春秋時權國莊十八年楚武王

克權使鬬縉尹之水經沔水逕當陽縣章山東又東右會

灌口權水在章山東南流逕權城北古之權國也

荆門州東南有那口城為楚那處地楚武王遷權于那處即

此舊爲文王子邾季載所封邾史記作冉或作那皆讀爲然不知何年入楚荆門州志亦謂之權國城蓋權邾二國本相近也

府治鍾祥縣東六十里有鹿湖池深不可測爲楚之沈鹿地

桓八年楚子合諸侯于沈鹿卽此今湮爲上腴

又縣東三十里有白水入漢定四年楚昭王奔隨將涉于成

曰卽此

又府治爲春秋時郢地桓十一年郢人軍于蒲騷將與隨

絞州蓼伐楚師莫敖患之鬬廉曰君次于郊郢以禦四邑

我以銳師宵加于郢郢國爲今德安府治在安陸府之東

安陸下臨漢水地形險固四國相去甚遠不能一時遽集

而安陸爲居中扼要之地故使屈瑕據之也

又府治東一里有楠木山莊四年楚武王侵隨卒于楠木之

下卽此詳見山川

京山縣西南八十里有澗水流通漢江爲春秋時之雍澗定

四年吳從楚敗諸雍澗五戰及郢卽此又縣境有遠澗漳

又澗澗卽禹貢之三澗昭二十三年還越縊于遠澗宣四

年鬪椒師于漳澗卽此

當陽縣北一里有沮水一作睢定四年楚子涉睢孔穎達曰

睢水在郢都之西楚王避吳西走處水經注曰沮水東南

逕當陽縣北又南逕楚昭王家又南與漳水合過枝江縣

而入于江謂之沮口又襄陽府南漳縣東有漳水流入當

陽縣東南五十里合于沮楚昭王謂江漢沮漳楚之望卽此詳見山川又南漢城王景又南與水合

荆門州西北有長林城接當陽縣東南境爲楚之大林文十

六年戎伐楚之西南師于大林卽此自當陽之北接長林

之境拱木修竹隱天蔽日卽曹操追先主處所謂當陽長

坂也胡氏曰長坂在當陽縣東南百二十里

襄陽府

今宜城縣西南九十里有都城與安陸府之荆門州接界爲

春秋時都國地杜註都本在商密在秦楚界上爲南鄉丹

水縣今河南南陽府浙川縣西有丹水故城此舊都也僖

二十五年秦晉伐都文五年秦人入都楚人戍以爭之而

不克因遂徙之南郡都縣爲附庸卽今襄陽府宜城縣後

光仍入楚定六年楚避吳北去徙都都仍名郢謂之郢郢左

傳所謂遷郢于都是也因名江陵舊都爲紀郢

又縣東南有湫城爲楚湫邑伍舉食采于此爲湫舉莊十九

年楚子伐黃還及湫有疾卽此

又縣西南九里有古鄢國入楚爲鄢縣昭十三年楚靈王沿

夏將欲入鄢杜註順漢水入鄢也是時鄢爲楚別都與鄢

又相近故通謂之鄢鄢

又縣西二十里有古羅川城爲春秋時羅國南漳縣東五十

里有中廬鎮爲廬戎國一作盧孔疏曰盧與廬通皆近鄢

水桓十三年楚屈瑕伐羅及鄢亂次以濟及羅羅與盧戎

兩軍之大敗之是也鄢水至宜城縣南四十里入于漢

府治襄陽縣東北二十里有鄧城鎮爲春秋時鄧國莊十六

年爲楚文王所滅

又縣東北十二里有鄧城爲鄧國居鄧之南鄙桓九年楚子

使道朔將巴客以聘于鄧鄧南鄙鄧人攻而奪之幣不知

又何年滅于楚哀十八年巴人伐楚圍鄧鄧蓋爲楚邑久矣

後漢志鄧縣有鄧聚光武曰宛最强鄧次之是也

穀城縣西十里有穀城山爲春秋時穀國水經注曰國在穀

城山上不知何年滅于楚

光化縣西漢水東岸有古陰縣城爲楚下陰地昭十九年楚

工尹赤遷陰于下陰卽此陰卽陰地之戎也

南漳縣西有荆山昭十三年傳楚遷許胡沈道房申于荆杜

註荆荆山也能容六小國之眾是荆山之爲地廣矣山海

經曰荆山之首曰景山卽卞和抱璞處自宜城南漳以至

房縣迤邐而西與

相接亦曰西山

自襄陽府城以南至安陸府城西凡七百里通謂之漢納自

安陸府城至沔陽州北漢州縣南凡七百里又至漢陽府

城東北入江通謂之夏納孔穎達曰漢水之尾變爲夏水

是也莊四年莫敖以王命入盟隨侯且請爲會于漢納而

還此漢納乃襄陽以南至安陸之漢水隨國爲今隨州西

至襄陽府一百五十里漢水之東爲隨西爲楚地故濟漢

而後發喪也蓋楚之初未能越漢而有之其後奄有江漢

包絡南陽汝寧至吳伐楚從淮右入與楚夾漢而軍入楚之腹心內地而楚岌岌矣

鄖陽府

今府治鄖縣為春秋時麇國地文十一年楚子伐麇敗麇師

于防渚潘崇復伐麇至于錫穴錫音陽即麇之國都防渚

在今房縣唐時謂之房州武后遷中宗于此

又府治西北為絞國地桓十二年楚伐絞大敗之為城下之

盟而還又伐絞之役楚師分涉于彭彭水在房縣境西南

流入襄陽府之穀城蓋穀城與房縣連壤也

又房縣南五十里有阜山文十六年戎伐楚之西南至于阜

山即此

竹山縣東四十里有上庸故城為春秋時庸國地文十六年

楚使廬戢黎侵庸及庸方城又與之遇七遇皆北惟裨僚

又魚人逐之庸人遂不設備楚及巴人秦人滅庸今縣東四

十五里有方城山四面險固山南有城周十餘里所謂庸

方城也蓋當四川陝西之交界庸之魚邑為今四川夔州

府治奉節縣

德安府

今府治安陸縣城東南有古雲夢城今雲夢縣在其南四十

六里又南六十步為雲夢澤宣四年邳子之女生子文邳

夫人使棄諸夢中又定四年楚子涉睢濟江入于雲中蓋

雲夢跨江南北包絡五府今安陸府之荆門沔陽二州及

京山縣漢陽府治漢陽縣荊州府之監利枝江二縣黃州府之蘄州及黃岡麻城二縣及德安府治益東抵蘄州西抵枝江在在有雲夢之名而德安之雲夢為尤著下文指今府治為春秋時鄖國桓十一年楚屈瑕將盟貳軫鄖人軍于蒲騷將與隨絞州蓼伐楚師鄖邾潰三字通用若敖娶于邾即此楚滅之以封鬬辛為鄖公蒲騷鄖邑在今應城縣北三十里

應山縣境為貳國應城縣西為軫國俱出近志
又府治安陸縣西北有清水春秋時謂之清發定四年吳從楚師及清發即此

隨州南有古隨城為春秋時隨國桓六年楚武王侵隨僖二十年鬬穀於菟伐隨取成而還自後為楚私屬不與諸侯會盟至定四年吳入郢楚昭王奔隨隨人免之楚以此德隨哀元年使復列于諸侯侵蔡終春秋世不滅

又州東南三十里有光化城志云本楚子城左傳所謂軍于漢淮之間者蓋築城于此以逼隨也今隨州之光化廢為鎮淮源出河南南陽府桐柏縣逼近隨州之北故曰漢淮之間

又隨州西北八十五里有唐城鎮為春秋時唐國本堯後舊封晉陽周成王以其地封叔虞而分徙其後于許郢之間

又春秋時服屬于楚宣十二年唐惠侯從楚莊王敗晉于邲定四年唐成公與蔡侯及吳子伐楚入郢五年楚復國為

今府治江陵縣北十里為楚之故郢都一名紀南城定六年

遷于都為襄陽府之宜城縣謂之鄢郢因名此為紀郢

江陵縣治為春秋時楚之渚宮在郢都之南十里文十年子

西為商公沿漢將入郢王在渚宮不見之水經注渚宮為

今江陵城楚之船官地歷代為重鎮晉桓溫及弟冲皆保

據渚宮梁元帝都此為西魏所陷遷後梁居之為藩國隋

今并梁置荊州後為蕭銑所據唐平銑復為荊州五代時高

黃州季興據此稱高平

枝江縣西有楚丹陽城蓋從歸州而移于此亦曰丹陽詳見

宜昌府楚又徙羅人居于此故後漢志云枝江本羅國水

經注云江汜枝分縣治洲上故名枝江

又縣西三里有津鄉莊十九年巴人伐楚楚子禦之大敗于

津杜註江陵縣有津鄉蓋本應劭之說以地相近而稍訛

酈道元辨之謂枝江縣西有津鄉蓋里名當矣後漢建武

十一年岑彭自津鄉攻田戎于荆門克之即此

監利縣東三十里有州陵城為春秋時州國桓十一年鄭人

將與隨絞州蓼伐楚師即此又縣東北三十里有楚章華

之臺

又縣東南有涌水乃夏水支流莊十八年巴人門于楚闔敖

游涌而逸水經注江水當華容縣東南涌水出焉涌水自

夏水南通于江謂之涌口闔敖游涌而逸于二水之間也

宜昌府

皇清系年系錄

春秋大事表六下

三

宜歸州東南七里北枕大江有丹陽故城為楚始封之丹陽史

記楚世家周封熊繹于楚蠻居丹陽徐廣宋忠以為在南

郡之枝江縣而郭璞注山海經則曰丹陽在秭歸為說不

又同杜佑通典曰楚初都丹陽今秭歸東南故城是後徙枝

江亦曰丹陽也春秋時諸侯徒都常襲前都之名如晉遷

新田仍名絳之類至後世猶仍兩丹陽之名晉王濬伐吳

蓋破丹陽遂克西陵此秭歸之丹陽西魏伐江陵曰為蕭氏

討席捲渡江直據丹陽此枝江之丹陽也

歸州治東二十里有夔子城為楚所分之夔國僖二十六年

楚人滅夔杜註夔楚同姓國今建平秭歸案左傳夔子對

楚人曰我先王熊摯有疾鬼神弗赦而自竄于夔夔即歸

秭歸三岫四岫同一谷者更有一谷同一岫者對學恐疑

岫圖岫谷皆邑表曰前岫今秭歸之某岫而三岫更有一

則岫圖岫谷皆異

自水出也

甯之縣川鄧末蕭趙為縣川合明此岫有岫縣為明風泉

岫之對岫岫對岫志外山對岫本縣圖岫之對干岫亦

岫之對岫東六十里有岫岫岫岫岫岫岫岫岫岫岫岫岫岫岫

岫岫岫岫岫岫岫岫岫岫岫岫岫岫岫岫岫岫岫岫岫岫岫岫

岫岫岫岫岫岫岫岫岫岫岫岫岫岫岫岫岫岫岫岫岫岫岫岫

岫岫岫岫岫岫岫岫岫岫岫岫岫岫岫岫岫岫岫岫岫岫岫岫

岫岫岫岫岫岫岫岫岫岫岫岫岫岫岫岫岫岫岫岫岫岫岫岫

州之丹則其對翼而益此未嘗南越一也
春秋初其非整首整州不庭
井蠻越魯有沛國蒼野對北
家整而越越然對江州自
羅千其類整而對其州
味來初者也平王東整對暴
必短刻蠻景山書與曰要州
自初以南為舉蠻州對黃
自初以南為舉蠻州對黃

其必初

楚人因而桂之又其對楚國
其此唱楚之丹則蓋當初照
混誤且杜註與後人之說或
略附鄙見庶一覽瞭如指掌
初氏識

魯有東鄆西鄆
文十二年城諸及鄆此東鄆也
州府沂水縣之鄆城

成四年城鄆此西鄆也今為濟
魯有三防

隱九年公會齊侯于防此東防也
縣世為臧氏食邑襄二十三年
隱十年敗宋師于菅辛巳取防

此西防也為魯取宋地在今

兗州府之金鄉縣欲別于臧氏之防故謂之西防也今
僖十四年季姬及鄆子遇于防此魯國之防山也在曲阜縣

魯有兩平陽
宣八年城平陽本魯邑今濟南府新泰縣西北四里有平陽

故城水經云在平陽

哀二十七年公及越后庸盟于平陽為魯取邾地在今兗州
府鄒縣西南方輿紀要及高氏地名考俱併入宣八年之

平陽誤矣

又晉衛二國俱有平陽
昭二十八年魏獻子以趙朝為平陽大夫即堯所都今故城

在山西平陽府臨汾縣西南

哀十六年衛侯飲孔悝酒于平陽今河南衛輝府滑縣東南
有韋城韋城南有平陽城

齊曹俱有重邱

襄二十五年同盟于重邱今東昌府城東南跨在平縣界有
古重邱杜註云齊地方輿紀要謂曹北竟之邊邑案曹都

定陶去此尚三四百里小國之邊疆安能及此

襄十七年衛孫蒯伐曹取重邱杜註曹地在今曹州府曹縣
東北杜明註兩國不可混

魯齊晉俱有東陽

哀八年吳伐我克東陽而進東陽為魯邑在今費縣西南七

襄二十二年晏弱城東陽以逼萊子此東陽為齊竟上邑今青州

府臨朐縣東有東陽城

襄二十三年齊侯伐晉趙勝帥東陽之師以追之獲晏釐為

晉地今臨清州恩縣西北六十里有東陽城

魯齊楚萊俱有棠邑

隱五年公觀魚于棠魯濟上之邑在今兗州府魚臺縣東北

齊四十二里

襄二十五年傳齊棠公尙杜註齊棠邑大夫今為東昌府之

堂邑縣

襄十四年傳楚子囊師于棠以伐吳今為江南江寧府之六

合縣

襄六年齊滅萊萊其公奔棠杜註棠萊邑今膠州卽墨縣南

八十里有甘棠社襄十八年齊靈公將走郵棠卽此

齊宋俱有黃地

桓十七年公會齊侯紀侯盟于黃路史登州府之黃縣東南

有古黃城本紀邑後入齊

隱元年傳惠公之季年敗宋師于黃寰宇記睢州考城縣西

三十六里有黃溝西距外黃城四里卽魯惠公敗宋師處

又有黃國汝寧府光州有黃城

鄭衛楚俱有瑣地

襄十一年諸侯伐鄭次于瑣一云瑣澤其地在新鄭縣北

定七年傳齊鄭盟于瑣經文作沙晉地地道記元城縣有瑣

陽城

昭五年越大夫常壽過帥師會楚子于瑣杜註楚地在今壽

州霍邱縣東

晉齊楚宋俱有稷地

宣十五年傳晉侯治兵于稷以略狄土杜註晉地在今山西

平陽府稷山縣南五十里

昭十年齊陳鮑與欒高戰于稷杜註祀后稷之處在今山東

青州府臨淄縣西

定五年秦子蒲使楚人先與吳戰而自稷會之杜註楚地在

今河南南陽府桐柏縣境

桓二年公會齊侯陳侯鄭伯于稷以成宋亂杜註宋地當在

今歸德府境

衛齊晉俱有清地

隱四年公及宋公遇于清杜註衛邑濟北東阿縣有清亭今

東阿縣屬兗州府

哀十一年齊師伐我及清杜註齊地濟北盧縣有清亭盧縣

今為濟南府之長清縣程啟生曰衛齊各有清杜氏以東

阿盧縣別之景范氏以為一地今仍從杜說

成十七年齊侯使國勝告難于晉待命于清杜註齊地陽平

樂平縣今東昌府堂邑縣東南有清城

宣十三年赤狄伐晉及清杜註一名清原今山西平陽府稷

山縣西北三十里有清原城

衛蔡號俱有莘地

桓十六年使盜待諸莘杜註衛地今東昌府莘縣北有莘亭

故城成二年師從齊師于莘即此杜更以為齊地者非是

莊十年荆敗蔡師于莘杜註蔡地在今河南汝寧府汝陽縣

境

莊三十二年有神降于莘杜註號地高氏地名考以為今陝

州硤石鎮西十五里莘原是也

宋晉周衛俱有孟地

僖二十一年宋公會諸侯于孟杜註宋地襄邑西北有孟亭

襄邑為今河南之睢州哀二十六年宋大尹盟六子于唐

孟即此

昭二十八年魏獻子以孟丙為孟大夫杜註晉地太原孟縣

今山西太原府陽曲縣東北八十里有大孟城齊氏地名

考以哀四年齊國夏伐晉取孟即此案晉為大國齊不應

深入至此亭林先生以為當在順德廣平之間

定八年劉子伐孟杜註周邑今河南懷慶府河內縣西北有

邗臺鎮

定十四年衛太子剽躒獻孟于齊孟即斂孟杜註衛地今直

隸大名府開州東南有斂孟聚僖二十八年齊晉盟于斂

孟即此

周魯燕俱有唐地

春秋大事表六下

隱二年公及我盟于唐杜註魯地在今兗州府魚臺縣東十

二里

昭十二年齊高偃納北燕伯欵于唐經文作陽杜註燕別邑

今直隸保定府唐縣北八里有唐山

昭二十三年尹辛敗劉師于唐杜註周地後漢志洛陽有唐

聚在今河南府洛陽縣東

魯有兩武城

襄十九年城武城懼齊也杜註太山南武城縣故城在今沂

州府費縣西南九十里程啟生以爲在濟寧州嘉祥縣界

昭二十三年邾人城翼還自離姑武城人塞其前哀八年吳

伐我道險從武城程啟生以爲此武城乃費縣之武城也

費縣乃魯與邾吳相接界非所當備齊之處襄十九年之

武城宜在嘉祥杜註併而爲一似誤案高氏地名考從

杜註以昭二十三年哀八年之武城併子之武城曾子居

武城俱卽此地然余嘗往來京師至嘉祥縣有絃歌臺

此地與齊界相接去費縣尙遠啟生以爲費縣非所當備

齊之處此說是也

又晉楚俱有武城

文八年秦人伐晉取武城在今陝西同州府華州東北十三

里一名武平城

僖六年蔡穆侯將許僖公見楚子于武城杜註楚地在南陽

宛縣北今在河南南陽府城北

周晉楚隨俱有瑕地

昭二十四年王子朝之師攻瑕杜註敬王邑不詳何地

僖三十年許君焦瑕杜註晉邑高氏地名考以為此晉河外

之瑕也即曲沃文十二年秦復侵晉及瑕十三年使詹嘉

處瑕以曲沃之官守之今河南陝州西南三十二里有曲

沃城即此瑕也又成六年傳有郇瑕為古郇伯之國在今

山西蒲州府臨晉縣東北十五里此晉河東之瑕與此有

別

成十六年楚師還及瑕杜第云楚地都邑表據水經注謂山

桑縣有瑕城即此瑕在今江南潁州府蒙城縣北案楚敗

于鄆陵狼狽遁歸決無反遠道東南之理或曰瑕即襄城

縣之汾邱城襄城縣今屬許州府在鄆陵之西為楚歸道

此說近是

桓六年楚武王侵隨軍于瑕以待之杜註隨地

魯齊楚俱有棘地

成三年叔孫僑如圍棘杜註魯邑在濟北蛇邱縣在今兗州

府寧陽縣西北

昭十年陳桓子召子山而反棘焉杜註齊國西安縣東有戟

里亭在今青州府臨淄縣西北

昭四年吳伐楚取棘杜註楚譙國鄆縣東北有棘亭在今河

南歸德府永城縣西南

鄭晉楚俱有櫟地

是書經解讀編

春秋大事表六下

三

皇清經解續編 卷之六十五
桓十五年鄭伯突入于櫟杜註鄭別都今為河南開封府之

禹州

襄十一年秦伐晉戰于櫟杜註櫟在河北在山西境非陝西

臨潼縣北之櫟陽也

昭四年吳伐楚取櫟杜註汝陰新蔡縣北有櫟亭在今汝寧

府新蔡縣北二十五里

向為國名又莒周鄭俱有向地

隱二年莒人入向杜註譙國龍亢縣東南有向城在今江南

鳳陽府懷遠縣西四十里

隱十一年王與鄭人蘇忿生之田向杜註軹縣西有地名向

上今懷慶府濟源縣西南有向城詩皇父作都于向即此

僖二十六年公會莒子盟于向杜註莒邑今莒州南七十里

有向城

襄十一年諸侯伐鄭師于向杜註鄭地今開封府尉氏縣西

南四十里有向城

晉鄭宋秦俱有新城

僖四年太子奔新城杜註即曲沃今在山西絳州聞喜縣東

二十里

僖六年諸侯伐鄭圍新城杜註鄭新密滎陽密縣今河南許

州府密縣東南三十里有故密城

文十四年同盟于新城杜註宋地在梁國穀熟縣西今在歸

德府商邱縣西南

文四年晉侯伐秦圍刊新城杜註新城秦邑今陝西同州府澄城縣東北二十里有古新城秦謂之新里為秦取梁地齊宋俱有葵邱

莊八年齊侯使連稱管至父戍葵邱杜註齊地在今山東青州府臨淄縣西三十里

僖九年會于葵邱杜註宋地陳留外黃縣東有葵邱在今河南開封府考城縣東三十里

鄭莒俱有鄆陵成十六年晉楚戰于鄆陵杜註鄭地屬潁川郡今河南開封府鄆陵縣

文七年公孫敖為襄仲逆已氏及鄆陵登城見之美自為娶之杜註莒邑在今山東沂州府沂水縣界

唐卽棠

隱二年公及戎盟于唐杜註高平方與縣有武唐亭在今魚臺縣西十二里

隱五年公觀魚于棠杜註與唐同方輿紀要于魚臺縣武唐亭下亦並列二年五年傳合為一地

厲卽賴桓十三年楚屈瑕伐羅楚子使賴人追之不及杜註賴國在義陽隨縣

僖十五年齊師曹師伐厲杜註義陽隨縣北有厲鄉則知厲與賴通矣另有論見後

蓼音溜與蓼了有別音良

桓十一年鄭人將與隨絞州蓼伐楚師杜註蓼國今義陽縣

東南湖陽城師古曰蓼力救反楚得其地謂之湖陽光武

封姊為湖陽公主今湖陽故城在河南南陽府唐縣南九

里

文五年傳楚公子燮滅蓼杜註今安豐蓼縣今河南汝寧府

固始縣蓼城岡即其地

費如與費秘有別里

隱元年費伯帥師城郎高氏曰今魯大夫費庠父之食邑讀

如字與季氏費邑讀曰秘者有別今兗州府魚臺縣西南

有費亭

僖元年公賜季友汶陽之田及費此季氏之私邑也今沂州

府費縣西南七十里有費城高氏地名考既以魚臺之費

亭為費庠父食邑非季氏之費而于費縣注云初為懿公

子費伯食邑及僖元年賜季友遂為季氏邑前後自相違

反

春秋時厲賴為一國論

春秋時有賴國左氏桓十二年楚屈瑕伐羅傳楚子使賴人追

之不及杜註賴國在義陽隨縣蓋賴人仕于楚者僖十五年齊

師曹師伐厲杜註厲楚與國義陽隨縣北有厲鄉傳書賴經書

厲古通用實則一國也宣九年楚子為厲之役伐鄭十一年傳

厲之役鄭伯逃歸則傳並書厲昭十四年楚子執齊慶封殺之

遂滅賴傳云賴子面縛銜璧造于中軍則經傳並書賴前漢地理志南陽郡隨縣厲鄉故厲國也師古云厲讀曰賴厲與賴之通用徵之左傳漢書歷有明據矣公羊僖十五年齊師曹師伐厲何休云厲于葵邱之會叛天子之命厲如字舊音賴昭四年楚子滅厲註云左氏作賴穀梁于僖昭兩傳俱書厲史記豫讓范雎傳漆身為厲厲並音賴古人之通用如此杜佑通典乃以厲賴並列兩國杜精于考古而乃有此失歟

余在汴梁脩志著此論獨見杜氏通典分列兩國以為不深考之過及作春秋大事表遍閱方輿諸書杜氏以下如馬氏通考王氏地理通釋高氏地名考略及宛溪方輿紀要俱主分列竊疑余說之不然夫余所據者杜預氏何休氏顏師古氏之說也且卽三傳本文同一年事而在作賴公穀作厲其為一國顯然更無待杜何之註釋也諸儒特以通典從分列更不復深考而馬氏又以賴在光州商城縣南以杜預在義陽隨縣者為不知何據賴在光州以昭四年楚子合諸侯于申遂滅賴之文合之申在今南陽于光州洵屬相近而更于厲從杜氏之說謂厲在隨縣賴在光州商城則因杜氏而更為添設尤非矣謹書之以俟後之知者


齊穆陵辨

僖四年傳管仲對楚使曰南至於穆陵杜註以為齊封境今山東青州府臨朐縣東南一百五里有穆陵關在大嶧山上歷千百年無異辭華子師茂獨據史記索隱之說以闢之曰此楚地

也以為齊地者殊謬此不過言太公征伐所至與上五侯九伯女實征之相應楚使言汝何故至吾地管仲言先王有命征伐南可以至穆陵如此纔與楚使鍼鋒相對若只鋪張齊境仍與楚地風馬牛不相及烏能折楚使之口考元和志穆陵關在淮南道黃州麻城縣西北八十八里穆陵山上一名木陵關南北朝為戍守重鎮梁陳閒夏侯夔周炆屢出兵苦戰唐元和中鄂岳帥李道古出木陵關討吳元濟其地在召陵與涇之南與當日語意尤脗合況當日齊之疆界實不止此莊九年傳管仲及堂阜而稅之杜註齊地在東莞蒙陰縣西北閔二年齊人遷陽今沂水縣南有陽都城蒙陰沂水二縣今俱屬沂州府在臨胸之穆陵西南百數十里是時齊疆已擴而管仲反稱舊封之界何耶索隱明言今淮南有故穆陵門是楚之境無棣在遼西孤竹服虔以為太公受封之境不然也蓋言其征伐所至之域耳可見穆陵無棣在唐時猶有可考者特以小司馬晚出未為人所尊信不能勝服虔兩家之言後人習以相傳遂至譌謬千載不可復辨晉之受封不過夏墟楚之受封不過丹陽而齊始封在營邱後各拓地數千里決無始封之地終春秋世為疆界是杜解固失而後人所傳併失杜解之意循而按之瞭然大白矣杜於地理最精審其春秋地名皆核以晉之郡縣其未確知者則但云某地以闕疑杜於穆陵無棣第云皆齊地未嘗指實今某郡某縣以是知杜註左之時尙未有穆陵關無棣溝之名乃後人設關浚溝之時因註左之誤而命名耳劉裕伐南燕更在

杜後百餘年燕臣或謂宜守大峴或謂宜出峴逆戰裕部下亦慮燕人塞大峴之險裕過大峴喜形於色可見此時尙無穆陵之稱亦並未設關而後人乃指爲齊之南界引杜註爲援據不亦誤乎近世禹貢錐指引元和志謂穆陵關在麻城縣穆陵山上齊之四履南至穆陵卽此定四年戰于柏舉亦在麻城縣界爲楚腹心要地管仲借以懾楚使意當在此

師茂初作此論示余凡千餘言余初不以爲然尋繹久之實是有見此從傳文上下語氣推究非故立異翻新者況穆陵關爲楚地在今湖廣麻城縣一見於史記索隱再見於元和志三見於林堯叟註四見於禹貢錐指諸人皆精熟地理遞相祖述非師茂一人創見因爲刪其繁蕪并略參鄙見存此論以俟後之君子乾隆十三年三月中浣四日復初氏識




皇清經解續編卷七十七終

皇清經解續編

春秋大事表六下

平湖何錫驊
吳縣汪家鰲校

長



皇清系角系系

吉林大學藏本

三

皇清系角系系

皇清系角系系

皇清系角系系

